

De hydrocele gratiosi ordinis medici consensu / [Johann Benjamin Boehmer].

Contributors

Boehmer, Johann Benjamin, 1719-1754.
Platner, Johann Zacharias, 1694-1747.
Universität Leipzig (1409-1953)

Publication/Creation

Lipsiae : Ex Officina Langenhemiana, [1745]

Persistent URL

<https://wellcomecollection.org/works/vrkenvqj>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

14240/p

F. IX. m
18
14240/p

DE
HYDROCELE

GRATIOSI ORDINIS MEDICI
CONSENSU

PRAESIDE

D. IO. ZACHARIA PLATNERO

PATHOL. P. P. ORD. ACAD. DECENVIRO ET COLLEGII

MAIORIS PRINCIPVM SOCIO

PRO GRADV DOCTORIS

DISPVTABIT

M. IO. BENIAMIN BOEHMER

LIGNICENSIS SILES.

MEDIC. BACCALAVREVS.

D. III. SEPTEMBR. A. O. R. CIO IO CC XLV.

LIPSIÆ

EX OFFICINA LANGENHEMIANA.


Paris
3/2 9/107
Nr 23125
3.50

H. Y. D. R. O. C. F. E.
GRADUATE ORDINIS MEDICI
CONSISTV
P. R. A. K. S. I. D. E.
D. IO. NACHARIA P. I. A. T. N. E. R. O.
P. A. T. H. O. L. O. G. I. C. A. P. I. A. T. N. E. R. O.
P. R. O. G. R. A. D. U. A. T. O. R. I. S.
M. I. O. B. E. N. I. A. B. O. R. N. I. M. E. R.
M. I. C. B. A. C. A. L. A. V. A. R. E. V. S.



D. H. T. E. T. E. M. B. E. R. A. O. R. C. I. S. I. O. C. C. M. V.

E. K. O. F. F. I. C. I. N. A. L. A. N. G. E. N. H. E. M. I. A. N. A.
I. P. S. I. A. E.



§. I.

onfuetudini, quae certissima loquendi magistra est, feruientes, Hydroceles nomine significamus illud tumoris genus, quod ex humore nascitur, in tunicas, quibus in viris testes eorumque vasa conteguntur, contracto. Nolumus veterem legem sermonis abolere, quamuis in ipso verbo quaedam sit ambiguitas. Generatim enim et vniuerse de omnibus illis vitiis, quibus commune apud Graecos τῆς κήλης, apud Latinos herniae, et apud nostrates eīnes Bruchēs nomen est, dicendum; illa magis propriis et significantioribus vocabulis nominari potuisse, quam iis, quibus vulgo vtimur, cum haec, vel obscura sint, vel translata, et quae incertum intellectum facere, atque discentes erroribus implicare possunt. Graeci κῆλας dixerunt omnes tumorum species, quae in scroto oriuntur α). Herniae vocabulo

α) GALENVS *Definit. med. in Edit. Charter. T. II. p. 275. n. 423.* in scroto septem habet tumorum genera: ὄγκοι ἐν ὀρχέω ἐνέα συνίστανται; ὕδροκῆλη, ἐντεροκῆλη, ὕδρεντεροκῆλη, κισσοκῆλη, πωροκῆλη, ἐπιπλοκῆλη, ἐντερεπιπλοκῆλη, ἐντεροπωροκῆλη, ὕδροκισσοκῆλη. Postquam vero omnium horum vitiorum expositionem dedit, addit etiam p. 276. n. 432. aliam, τῆς κήλης in genere.

lo idem enunciauerunt Romani, quod ab initio accommodatum fuisse videtur iis potissimum vitiis, in quibus, laxata, vel rupta interiori abdominis membrana, quam peritonaeum vocant, omentum atque intestina pondere in inguina, et ipsum etiam scrotum, deuoluuntur β). Postmodum autem hoc vocabu-

nere. Κήλη ἐστὶν ὄγκος περιεκτικός τινος τῶν προσημύων πᾶς γὰρ ὄγκος ἐν σκῆτι κήλη λέγεται. Sed vero idem verbum etiam ad tumores, qui in aliis sedibus nascuntur, translatum fuit. Nam, vt nihil dicam de bubonocoele, cuius sedes non in scroto, sed in inguine, est, etiam veteribus, PAVLO L. VI. C. 38. p. 86. Edit. Ald. CELSO L. VII. c. 13. cognita fuit βρογχικήλη, seu tumor, qui inter cutim et asperam arteriam in collo increfcit. Apud ALEXANDRUM MONRO, Celeberrimum Virum, in *Tent. Med. Edinburgensibus Vol. V. Obs. 21. p. 324.* inuenio spermatocelen, quo verbo tumorem in vase deferente, epididymidibus atque testiculo significat, qui oritur, si spermatis excretio ab illo tuberculo, quod verumontanum appellant anatomici, prohibetur. Praeter haec omnia nemo ignorat, et foeminis μηροκήλην atque βυβασοκήλην oriri, quae vltima, si in inferiores partes nititur, non τὸ ὄχρειον, sed τὰ γυναικεία diducit. De etymo huius vocabuli autores plura adferunt, quae vix probabilia videntur. EVSTATHIVS ad *Odyssaeam* L. XI. v. 333. p. 1089. n. 44. putat, illud originem ducere a verbo κηλίσω, permulceo, delineo ἀντιφράδως, seu, vt contrarium dicatur ei, quod intelligi debet. Autor *Etymologici Magni* illud deducit ἀπὸ τῆς κάλης, quod significat lignum. Addit enim, tumores illos, si maiores sint, duros et ligneos fieri. SVIDAS autem recte interpretatur τὸν κηλήτην, herniosum, per τὸν κεχαλασμένον τὸ ἐντὸς, cui aliquid intus relaxatum est.

- β) Herniam ἀπὸ τῆς ἕρπης, quod germen, vel ramum, significat, deducunt. Scribunt enim, intestinum, si in scrotum descendat, quasi ramum efficere. Haec interpretatio est IOSEPHI SCALIGERI in *Comment. in Catalecta VIRGILII*. Vid. Edit. MASVICHII p. 1202. et CLAVD. SALMASIVS in *Epistola ad BEVEROVICIUM*. Vide SALMASII *Epistolas ab ANT. CLEVENTIO editas*, L. I. Ep. 56. p. 126. conf. VOSII *Etymologicum* p. 429. Alii, inter quos inuenio SERVIVM in *VIRGILIVM Aeneid.* L. VII. ad v. 684. ostendunt, hernas Sabinorum lingua fuisse faxes, et hernicum, quicquid est durum, quare VIRGILIO c. l. hernea faxes. Tumores autem in scroto hernias vocari a duritie, cum eorum durities cum magnitudine increfcit, docet ROBERTVS STEPHANVS in *Thesaura Latinae Linguae*. Recentiores Chirurghi tumorem in caluaria, vbi, fracto deficienteque, vel mollito diductoque, osse, cerebrum sub cute extuberat, herniam cerebri vocant. Vid.

lum, *der Bruch*, Britannorum nomen, *Rupture*, vel *Bursten-Belly*, tractum esse videtur ab illa falsa opinione, quae olim fere in omnium medentium animis infederat, inquietaueratque, illam supra commemoratam interiorem abdominis tunicam, seu peritonaeum, in iis, quorum intestina atque epiploon in inguina et scrotum descendunt, non dilatari, sed semper rumpi, id quod perraro fieri iam ex incisiss cadaueribus compertum est. Imo, si verum sine ambitione seruandum est, in aliis quoque, quae ad herniarum notitiam attinent, erratum fuit §). Nam etiam inter recentiores pauci veram illarum naturam formamque recte comprehenderunt, sed, GALENI, et aliorum anatomicorum, qui hunc secuti sunt, erroribus decepti, sibi persuaferunt, peritonaeum duplicem ea fede, qua vasa sper-

Sauro Crit. T. VI. p. 260. Sic etiam dedecori fuit tumorem habere in scroto, quare herniosos carminibus suis proscindere soliti sunt Poetae. IUVENALIS *c. l.* MARTIALIS *Lib. III. Epigr. XXIV. et Lib. XII. Epigr. LXXXV.* Atque in DIONIS *Histor. Roman. Lib. LXXIII. p. 831.* legimus, inter alia conuicia, quibus milites mortuum Imperatorem Commodum persecuti sunt, eos illum etiam appellasse *κνήτης*, herniosum. Commodo enim tale vitium inter inguina prominuisse, ita, ut eius tumorem per sericas vestes populus Romanus agnoscere potuerit, ex AELIO LAMPRIDIO in eius *Vita Cap. XIII. in Historiae Augustae Scriptoribus T. I. p. 509.* discimus. Hanc rem nos primus docuit THOMAS REINESIUS *Var. Lect. Lib. II. Cap. XVIII. p. 295.* Vana illa opinio de horum vitiorum ignominia etiam ad nostra vsque tempora traducta est, quae insita penitus et vetusta ex plurium, maxime foeminarum, animis euelli haecenus nondum potuit. Norunt medentes, insanam illam *δυσωπλυσ* foeminarum, quae has valetudines, etiam superueniente inflammatione, ingruenteque ileo morbo, saepe ita celant occultantque, ut ad miseram mortem praecipitentur, cum, prolapsis intestinis, iisque gangraena affectis, intra paucas horas plerumque exspirent. Haec tamen corporis vitia omni turpitudinis suspicione carent, cum, nec ex vini atque libidinis, nec ex alia immoderata, intemperantia, oriantur. Et dolendum est, huic pudori non solum iuniores plebeiasque foeminas, sed etiam urbanas, imo in altiori dignitatis gradu collocatas matronas, quandoque obsequi.

§) Vid. ALEXANDER MONRO in *the Medical Essays Vol. V. P. I. Obs. 20. p. 270.*

spermatica ad testes descendunt, tunicam habere, quare de herniis plura incerta falsaque atque fallentia prodiderunt. Verum postquam IOHANNES SWAMMERDAMIUS η) FRID. RVYSCHIVS θ) atque IVSTVS SCHRADERVS ι) et post hos recentiores IACOBVS DOUGLASSIVS κ), IACOBVS CRESCENTIVS GARENGETVS λ) et, qui forte primus inter hos posteriores nominandus erat, IACOBVS BENIGNVS WINSLOVIVS μ), peritonaeum et huius contextum cellulofum, explosis iis, quae de duplici tunica vulgo circumferuntur, accuratius descripserunt, obscura et inuoluta herniarum notitia iam aperta est et perspicua.

§. II.

Sed vero, vt ad herniae vocabulum redeamus, supra diximus, hoc ad alios significatus traductum fuisse. Iam vero nonnulli, vt ambiguitatem soluerent, omne herniarum genus

A 3

distin-

- η) in Notis, quibus Prodrumus IOH. VAN HORNE de Vteri fabrica illustratur, p. 7. SWAMMERDAMIVM propter hoc inuentum laudat HERMANNVS BOERHAAVE in Vita eius, quam Bibliis Naturae s. Historiae Insectorum praemisit.
- θ) Obs. Anat. Chirurg. Obs. 98. p. 125.
- ι) In Obseruat. Anat. Med. Dec. II, Obs. V. p. 207. fig. 8.
- κ) In the Description of the Peritonaeum, London, 1730. qui libellus et ab ELIA FRID. HEISTERO, dignissimo Celeberrimi Parentis filio, immatura morte nobis erepto, et a IOSHVA NELSONO in Latinum sermonem fuit translatus.
- λ) Dans la Splanchnologie Cap. VI. cuius nouam Editionem Anno huius seculi XLII. dedit.
- μ) Dans son Exposition Anatomique, Traité du Bas Ventre §. 24. et §. 31. Veterum sententiam, alio dato significato, defendere voluit laudatus HEISTERVS c. l. p. 100. et eius Parens in Diss. de Hydrocele §. 12. Conf. PETRI SENAC Comment. in Compendium Anat. HEISTERI et, qui rem dilucidius exponit, LIEVTAUD dans les Essays Anatomiques Sect. IV. Artic. III. p. 259. Alios autores, qui, iam ante hos, peritonaeum duplex esse, negauerunt, adducit Vir doctissimus, nobisque amicissimus, IVSTVS GODOFR. GÜNZIVS in Obseruat. Anat. chirurg. de Herniis Cap. VII. p. 19.

distinguere, et in veras nothasque diuidere consueuerunt v). Per veras intelligunt illa vitia, in quibus laxatum aliqua parte, perraro ruptum, est peritoneum, et vbi epiploon et intestinum, atque vel ex his vnum, vel vnum alteri iunctum, pro- uoluta sunt, id quod in variis abdominis sedibus ζ), in vmbilico ο), et circa vmbilicum π), supra illa loca, vbi ex abdomine, in viris spermatica ς), in foeminis alia minora, vasa, quae vulgo ligamenta vteri rotunda, improprio nomine, appellantur, nec non in alia sede, per quam in vtroque sexu cruralia

- v) Vid. inter alios plures ALEXANDER MONRO c. I. pag. 298. Minus probare hanc diuisionem videtur Celeb. HEISTERVS in *Diff. de Hydrocele* §. 5.
- ζ) Praecipue illis sedibus, vbi muscutorum abdominis transuerforum fibrae aliquantum inter se diductae sunt, quae loca sola adipe implentur. Vocant hoc vitium herniam ventralem. Frequentius ex vulneribus muscutorum abdominis, tum iis, quibus etiam peritoneum dissectum, tum aliis, in quibus illud, discissis musculis, integrum relictum fuit, nascuntur. Vid. GARENGEOT *Traité des Operations* T. I. p. 234. et 367. SHARPS *Treatise on the Operations of Surgery* Chap. VIII. p. 30. et *Les Memoires de l'Academie de Chirurgie* Vol. I. p. 307. quo loco GARENGEOT ostendit, aponeurosin muscutorum abdominis, quam lineam albam vocamus, valde, et adeo, tenuem esse, vt varia occasione, tum supra, tum infra, vmbilicum facile relaxetur: Ob id in ea hernias quandoque maiores oriri, quarum nonnullas, etiam mole insignes, obseruasse dicitur DE LA PEYRONIE *Chirurgus Regius* c. I. pag. 701.
- ο) Infantibus hoc genus herniarum incidit, si ipse ille annulus tendineus, per quem vasa vmbilicalia peritoneaeo tecta ex abdomine procedunt, laxatur ampliaturque. Sed in adultis, longe crebrius, non vmbilicus, et eius annulus, sed illa aponeurosis, quae circa vmbilicum admodum tenuis est, diducitur, quae laxata ab intestinis et epiploo attollitur. Vid. GARENGEOT l. c.
- π) Vide de hernia, quae non in vmbilico, sed ad latus vmbilici, nascitur, MICHAELEM LVDOVICVM RENEAVME *Traité des Hernies* p. 92. Confer *Les Memoires de l'Academie de Chirurgie* c. I. p. 700.
- ς) Tumor, si modicus, et adhuc in inguine, est, dicitur βιβωνοκήλη. Si vero ab hoc in virorum scrotum descendit, et hoc diducit, dicitur ὄρχοκήλη. In foeminis, quibus hoc genus herniae non ita frequens esse videtur, ex eadem causa, si tumor maior sit et intestina pondere in inferiora nituntur, intenditur atque attollitur pudendi labrum. Nullum autem in his huic vitio peculiare nomen est.

ralia vasa σ) educuntur, incidere solet. Peritonaeum etiam super illa maiora foramina, quae ouatam figuram habent, et in coxarum ossibus sunt τ), nec non super muliebria υ) laxari dilatari-

- σ) Ligamentum FALLOPII *Obs. Anat. p. 91.* vel POVPARTII vid. *Hist. Acad. Reg. Sc. MDCCV. p. 64.* vocant coalitum aponeurosum vel tendinum dispanforum, qui ea sede, accedentibus forte aliis fibris, paulo validior est. Hae aponeuroses ad musculum obliquum externum abdominis, et ad fasciam latam femoris pertinere videntur. Ligamentum esse, negant COWPERVS in *Myotomia p. 2. Tab. XIV.* et MORGAGNVS *Aduersar. III. Animadv. I.* Illud autem verum ligamentum esse defendunt Viri Clarissimi IOSIAS WEITBRECHT in *Syndesmologia Sect. IV. §. 13. p. 133.* et GÜNZIVS *l. c. Cap. VI. p. 17.* Sub hoc ligamento peruiro ex abdomine descendunt tendines musculorum psoas, et iliaci interni, et super hos vasa cruralia, arteria, vena neruusque cruralis anterior. Herniae genus, quod hac sede nascitur, *μυροκήλη*, vel herniam cruralem, vulgo etiam, quia tumor in summo femore assurgit, femoralem, appellant. Illud genus primus obscure indicasse videtur PAVLVS BARBETTE in *Chirurgia Cap. VII. p. 74.* Post hunc vero illud descripsit PHILIPPVS VERHEYEN in *Anat. Tract. II. Cap. VII. p. 50.* Vid. etiam I. FREIND in *the History of Physick P. I. p. 167.* Dilucidius hanc herniam descripsit GARENGEOT dans le *Traité des Operations T. I. p. 239.* Conf. etiam DE LA FAYE dans les *Remarques sur le Cours des Operations par M. DIONIS p. 339.* GOELICKE *Dissert. de Hernia femorali, Frf. Anno MDCCXL.* Obseruatione cognitum est, hoc genus foeminis frequentissimum esse, non ita facile viros ei obnoxios fieri. Raro enim foeminae vera bubonoccele laborant.

- υ) Hanc herniam nonnullis obseruationibus illustrauit, et eius etiam curationem descripsit GARENGEOT in *Comm. Acad. Chirurg. T. I. p. 709.* Foramen ouale in osse coxae habet validam membranam, vel ligamentum, quod, in suprema parte peruium, transmittit arteriam venamque, ac neruum cruralem posteriorem, vel obduratorem. Vid. de Neruo WINSLOW *Expos. Anat. de Neruis §. 203.* Arteriae v. c. *l. de Arteriis §. 252.* et venae, *de Venis §. 178.* ab hypogastricis ortae, et ex pelui per hoc foramen eductae, per nonnullos femoris musculos diuiduntur. Vasorum illorum iter obliquum, in summa ora huius foraminis, ossi impressum, conspicitur. Ad latus horum vasorum per illud ligamenti ostium, si homo sub aliquo pondere nititur, vel, si lapsu, saltuue, eius abdomen valde concutitur, intestinum atque omentum aliquanto deuoluuntur, ita, vt etiam suprema et interior femoris pars intumescat. Ex iis, quae GARENGEOT alique animaduenterunt, cognoscitur, et huic vitio foeminas frequentius obnoxias esse, eo tamen interdum etiam laborare viros. Ostenditque GARENGEOT hoc herniae genus vtramque medendi rationem admittere, et eam, qua

latarique, et tumores, vel hernias, in interiori supremi femoris parte, et in muliebri pudendo, vel sic dicta vagina, oriri, ex recentiorum obseruationibus discimus. Herniis etiam adnumerari potest, si abdominis viscera, praecipue ventriculus et colon, sub vehementissimis doloribus per eos, qui in septo transuerso naturaliter sunt, hiatus, vel etiam per ei illata vulnera, in pectus compelluntur, quae, dum huic immorantur, dolores et funestam inflammationem accipiunt ϕ). Imo non sola intestina cum epiploo herniis subesse solent, sed nonnunquam alia etiam viscera, veluti ventriculus χ), lien, iecur ψ), vterusque grauidus ω), iisdem includuntur, quae vitia omnia veris herniis

qua, quae descenderunt, integra cute, retro compelluntur, iniectaque fasciæ cum pila continentur, et alteram, qua tumor prius scalpello aperitur, et post, quae deuoluta sunt, reponuntur. Feliciter cessit curatio in foemina, in qua et extenta cutis, et ipsum peritoneum diductum laxatumque, (sacculum herniae vocant,) incisum, et epiploi portio praecisa fuit.

ν) Herniam in vagina describit in iisdem Commentariis p. 707. citatus auctor, quam, pesto in vaginam demisso, et tumori subiecto, curauit.

ϕ) Vide morbi historiam in *Transact. Anglicanis* No. 351. p. 580. et in *earum Compendio* T. V. p. 266. vbi, post vehementissimos dolores intestinorum, quales in chordapso CELSI *Lib. IV. Cap. XIII.* describuntur, finito per mortem tormento, coli aliqua, omenti vero et pancreatis maior, pars in pectus prouoluta fuit inuenta. Viam repererant haec imi ventris viscera per illum hiatus, qui inter duos septi transuersi musculos medius est, et per quem intercostalis nervus descendit. Vid. de hoc casu *Comment. in Actis Med. Berolinens. Decad. II. Vol. IV. p. 8.* Conf. IOH. BAPT. PANTONI *Obseruat. Med. et Anat. Obs. XXIII. in Opusculis* p. 144. vbi per illud ostium, per quod stomachus ad ventriculum fertur, hic cum parte omenti in pectus irrepsit.

χ) Vid. IOHANNES RVDOLPHVS CAMERARIUS in *Sylloge Memorabilium Medicinae* Cent. X. Hist. 14. p. 742. quae hernia ex vehementi vomitu, per emeticum concitato, nata fuit. Conf. RENEAVME *c. l. p. 87.* His, quas adducit, alias morborum historias addit GARENGEOT *c. l.*

ψ) Vid. RVYSCHIVS *Aduers. Anat. Dec. II. Obs. IX. p. 21.* Herniarum, quibus hepar inclusum fuit, exempla adducit GVNZIVS ex *Ephem. N. C. c. l. Cap. II.*

ω) Vide herniae historiam, quae post percussum abdomen in foemina grauida orta fuit, in MICH. DOERINGII *Epistola ad GVIL. FABRICIVM,*

herniis adnumerantur. His etiam nomina a partibus, quae iisdem subesse solent, imponuntur, quare *ἐντεροκήλη* et *ἐπιπλοκήλη* vocantur, si peritoneum quacunque in sede, vel ab intestino, vel omento, quae in exteriores inferioresque partes nituntur, distenditur. Peculiarem notationem desiderat cystocele, seu vesicae hernia, quae oriri interdum dicitur, si hoc lotii receptaculum valde distentum laxatumque, cum spermaticis vasis, per musculorum abdominis ostium, seu sic dictum annulum, deuoluitur. Nam nemo anatomes peritus ignorat, peritoneum vesicam haud comprehendere, sed eius aliquam, et supremam tantum partem, contegere, quare in hoc herniae genere verum peritoneum laxari, vel dirumpi necesse non est, sed illud, si sola vesica per illud ostium descendit, integrum esse potest. Interdum tamen, et, ut videtur, frequentius vesica in hoc ostium una cum intestinis laxatoque peritoneo irrumpit, ita, ut cystocele sit cum bubonocèle α). Nothas autem hernias appellant, si virorum genitalia ex aliis variisque occasionibus intumescunt, quibus vitii *κισσοκήλη* β), *σαρκοκήλη* γ), *πνευματοκήλη*

CIVM, HILDANVM, de *Hernia uterina*, in *Operib.* HILD. p. 893. Sectus fuit tumor et partus ex eo extractus. Conf. RVYSCHIVM c. 1. Hernias tales ex sectione caesarea relinqui, fatetur ROUSSET dans la *Hysterotomotokie*, a Paris, MDLXXXI. p. 42, 92. qui adfert exemplum p. 21. Et prolixè magis in libro ab eodem Anno MDXC. edito, cui titulus: *Υστεροτομοτοκίαι*, b. e. *Caesarei Partus Assertio historiologica* p. 55. Plures autorum obseru. vid. in Celeberr. GVNZII *Obs. Anat. de Herniis C. II.* α) De hernia ex vesicae vulnere curato prope huius cicatricem relicta vid. RVYSCH. *Obseru. Anatom. Chirurg. Obs. LXXV.* et aliam, ubi, dilatata vesica in scrotum cum bubonocèle descendit, l. c. *Obs. XCVIII.* Conf. *Eiusd. Aduers. Anatom. Decad. II. Obs. 9. p. 23.* Alias obseruationes proposuit MERY *Chirurgus*, in *Comment. A. R. Sc. Anno MDCCXIII. p. 146.* conf. IOH. SALTZMANNI *Diff. de Vesicae urinae hernia*, *Argentorati*, Anno MDCCXXXII. De Peritoneo et situ vesicae confer. GVNZIVS c. 1. p. 11.

- β) Dicitur CELSO Ramex, cum venae intumescunt, quae, intortae conglomerataeque inguen, et superiorem partem scroti, implent.
- γ) Hoc nomine varia vitia comprehenduntur. Nam ipse testiculus ex inflammatione intumescit, qui, si haec reprimantibus dissipatur, durus manet. Scirrhus nonnunquam in carcinoma degenerat. Non soli

λη δ), αἱματοκήλη ε), et quoque, de quo nobis iam sermo est, ὑδροκήλη, adnumerantur. Hi ultimi generis tumores, dum crescunt, adscendere versus inguina videntur, verae autem herniae descendendo in viris versus testes augescunt. Quoniam autem utriusque generis vitia raro sola sunt, sed saepe eorum bina, pluraque, in eodem homine reperiuntur, ut, laxato in inguine peritoneo, tum intestinum, tum omentum, subsit, inuenta sunt ab autoribus nomina, ex prioribus composita, quae illa vitiorum genera significant. Talis enim aeger, quem modo descripsi, ἐντερεπιπλοκήλη laborare dicitur.

§. III.

Ὑδροκήλη, quam alii ὑγροκήλην ζ) et herniam aquosam vocant, etiam non vnus generis est, quod, quo facilius explicemus, prius ipsarum partium velamentorum, inprimis, quibus vterque testiculus contegitur, natura paucis proponenda est.

testiculo hoc accidit, sed etiam vasis, a quibus is dependet, quae etiam indurescunt. Interdum etiam his, et ipsi testiculo, caro inter tunicas increfcit vitiosa. Vid. CELSVS *Lib. VII. Cap. XVIII.*

- δ) Si aër in contextum cellulosum tunicae vaginalis, vel ipsius scroti, contrahitur. Est Ἐμφυσήματος genus, quod per se, et sine alio morbo, oppido rarum videtur. Vid. HEISTERI *Chirurg. P. II. Sect. V. Cap. 127. p. 855.* Alia species est, si in enterocele multus spiritus intestinum euolutum distendit, quae vero vix recte πνευματοκήλης nomine vocatur.
- ε) Αἱματοκήλη, si ex illato ictu, vulnere, vel alia occasione, sanguis in scrotum defluxit. Hanc nonnunquam post incisam hydrocelem oriri, infra dicetur. Veteres, GALENVS c. I. et PAVLVS *Lib. VI. Cap. 63. p. 91. Edit. Aldinae*, addiderunt τὴν παροκήλην, ἀπὸ τοῦ πάρε, quod vocabulum callum significat, quae παροκήλη ex interpretatione IULII POLLVCIS in *Onomastico Lib. IV. Sect. 203. p. 472.* est πάρεμα περὶ τὸ ὄχειον ἔξ ἀποσήματος, callus circa scrotum ex abscessu. Autor *Introductionis*, quae GALENO adscribitur, *Cap. XIX. T. II. Edit. CHARTER. p. 397.* addit etiam σεατοκήλην, a Graeco σεῖα, seuum, vnde σεῖάτωμα.
- ζ) POLLVX l. c. ὑγροκήλη περὶ θανάτου τῶν διδύμων ὑδατώδης συλλογή, μεταξὺ τοῦ δευτέρου καὶ τετάρτου ὁμίος. Vnde in GALENO *Definit. Med. in Edit. Ald. Tom. IV. pag. 16.* ὑγροκισσοκήλη legitur. Sed in GEMVSAEI *Edit. Basil. MDXXXVIII.* per errorem ὑγοκισσοκήλη, in CHARTERII vero *Edit. tione T. II. p. 275. n. 428.* ὑδροκισσοκήλη inuenitur.

est. Arteria spermatica, vtrinque ex aorta sub renalibus *n*) educta, sub peritoneo, illi huius celluloso contextui innexa, ad ima dirigitur, et per ostium, quod in tendine muscoli obliqui externi est, annulum vulgo vocant, in duos vel tres ramos *θ*) diuisa ad testiculum, et, quae huic annexa est, epididymidem, fertur. Arteriis iunctae sunt venae, quae a testiculis horumque velamentis incipiunt, et per modo dictum muscoli obliqui ostium assurgunt. Non vero eadem ratione finiuntur, qua arteriae incipiunt, sed dexterior ad venam cauam sub renali, sinisterior ad renalem procedit, quibus maioribus venis illae minores inferuntur *;*). Venae autem in longe plures diuisae, vehementerque implicatae atque inter se apertae, ut sanguis ex vna in alteram permanare possit, quasi reticulum constituunt, quod anatomici *corpus pyramidale*, vel *pampiniforme*, vocant. Vix non omnibus hucusque persuasum fuit, arterias venasque hac sede alia lege, quam in caeteris corporis sedibus, inter se committi, et maiores arterias cum venis ita connexas esse, ut sanguinis non minima, et potissimum eius crassior, pars ex arteriis mox in capaciores venas transfundatur. Sunt tamen ex recentioribus scriptoribus, qui hoc, quod vix non omnibus persuasum fuit, a nemine explorete perceptum cognitumque fuisse ostendunt, et hunc inter maiora vasa nexum, vel, ut vocant, anastomosin dubiam reddunt *κ*). Venas spermaticas

B 2

sanguis-

n) Hoc tamen haud perpetuum est. Nam aliquando tres repertae fuerunt spermaticae arteriae, aliquando etiam ex superiori aorta, ex renalibus, imo etiam ex aliis, arteriis fuerunt eductae. Vide Celeberr. HALLERUM in *Notis ad BOERHAAVII Praelectiones T. V. P. I. ad §. 641.*

θ) LIEVTAUD *Essais anatomiques Sect. IV. Art. XIX. p. 331.*

;) Nec tamen et hoc semper se ita habet. Vide HALLERUM *c. l. p. 277.*

κ) Anastomoses has delineasse videtur EVSTACHIUS in *Tabulis Anat. XII. et XIII.*, quem tamen defendit GEORGIUS MARTIN in *the Medical Essays Vol. V. Obs. XVIII. p. 227.* Eas, veluti manifestas, delineavit CROMWELLVS MORTIMER in *the Transactions No. 415. p. 373. in the Abridgment Vol. VII. p. 553. Tab. XXIV.* Sed ex maioribus arteriis in maiores

sanguinem ab iisdem partibus, ad quas hic per arterias perlabitur, reducere, nemini obscurum est. De illo autem ostio, vel sic dicto annulo, iam ex accuratioribus obseruationibus nouimus, eum non triplicem esse, atque ita compositum, vt singuli muscoli, transuersus, atque duo obliqui, suum ostium, vel annulum, habeant, sed esse fissuram oblongam, ora tendinea aliquantum pleniori circumdatam, in obliqui externi aponeurosi, cui a vicinis partibus aliae fibrae accedunt λ). Arteriae, vbi ad ipsum testem peruenerunt, illam albidam neruosamque tunicam, quam a colore *albugineam* vocant, et quae intimum testiculi velamentum est, penetrant, et in illa exilia singulari artificio conglomerata vascula, ex quibus testiculus compositus est, et in quibus genitalis succus conficitur, diuiduntur. Semen autem in his exilissimis itineribus praeparatum in epididymidis paulo patentioribus fistulis perfectum, his tandem coeuntibus, per capacius iter, quod *vas deferens* nominant, sursum fertur, et vel vrethrae, vt protinus excernatur, vel vesiculis feminalibus, huius humidi receptaculis, infunditur. Scire enim oportet, spermaticis vasis, a quibus testiculi dependent, iunctum esse hunc feminis ductum. Accedunt lymphatica vasa et nerui, quorum potiores ex plexu renali descendunt, quibus alii ex lumbaribus accedunt, qui vltimi vero non

maiores venas, nullum transitum nullamque anastomosen esse, WINSLOVIVS *Exposit. anat. T. IV. §. 479.* et GEO. MARTIN *c. I.* ostenderunt, quorum vltimus addit, arterias exiles ex lateribus eductas inhaerescere et implicari venis, huncque nexum minus cautos anatomicos decipisse. Vide etiam HALLERVM *c. I. p. 279.*

- a) Vide figuram in COWPERI *Myotomia Tab. XIV. lit. C. Tab. XV. lit. KK.* et vasorum spermaticorum descensum in ALBINI *Tabulis de Musculis Tab. I. lit. X. Tab. III. lit. β.* HALLERVS, aliique, illud ostium in sola aponeurosi obliqui externi esse contendunt, et negant, aliquid conferre tendinem obliqui interni *c. I. p. 260.* Conf. CL. GÜNZIVS *l. c. Cap. VI. p. 18.* qui transuersi fibras nonnullas ad obliqui externi ostium pertinere ostendit.

non tam per ipsum testiculum, quam per eius et vasorum spermaticorum velamenta, diuiduntur μ).

§. IV.

Sed veniendum est ad haec velamenta, vel tunicas, quibus testiculi atque spermatica vasa continentur. Iam de illa interiori, quam albugineam vocamus, diximus, eam albidam esse, validam, atque neruosam, propter quem neruorum numerum in illa, si testis ictu, vel quavis iniuria, laeditur, acerbissimus dolor exoritur. Haec tunica solum testem comprehendit, cum caeterae tunicae etiam vasa spermatica contineant. Ex his enim illa, quae olim Graecis *ἐλουργοειδής* dicta ν), nostris vaginalis appellatur, prae caeteris considerata est, cum morbi, de quo scribere instituimus, propria sedes sit. Superuacaneum foret, illa repetere, quae supra de peritoneo, et huius contextu celluloso, proposuimus. Illud tamen sedulo tenendum, vasa illa, quae per ostium, quod in aponeurosi musculi obliqui esse diximus, descendunt, illo contextu celluloso, quem peritoneum extrinsecus habet, non tam circumdari atque includi, quam ei implicari, ut illo medio inter se iungantur. Hoc igitur inuolucrum, quod sibi vasa spermatica adsciscunt, et secum ex abdomine ferunt, minus proprie tunica vaginalis dicitur, quae tandem super testiculi supremam partem, ubi ei epididymis adnexa est, finitur. Habet tamen inferior etiam testiculus similem, sed teneriorem, contextum cellulosum, inter cremasterem et albugineam tunicam medium, qui, si eum a superiori contextu, et sic dicta vaginali vasorum spermaticorum tunica procedere existimandum est, ab hac, septo quasi medio, quod supremo testiculo et epididymidi inhaerescit, dirimitur, adeo, ut, nisi hoc septum ruptum exesumque sit, flatus a superiori

B 3

riori

μ) Vide ex his WINSLOVIVM *Exposit. anat. T. IV. §. 587.*

ν) Vid. CELSVS *Lib. VII. Cap. XVIII.* a Graeco *ἐλουργον*, velamentum.

riori ad inferiorem contextum cellulofum non perueniat ζ). Ex cellulis pluribus vtrumque hoc velamentum constat, quod, si a quacunque causa grauatur, vel, si venae, quae per illud discurrunt, aliquantum premuntur, occallescit, vt etiam in plures validioresque tunicas diuidi possit: id quod in pluribus tumorum herniarumque generibus fieri deprehenditur. Atque id ipsum, accedente GALENI autoritate ο), et, quod olim anatomici plura brutorum, quam hominum, corpora inciderent, illum errorem peperisse videtur, vt vix non omnes sibi persuaferint, cum vasorum spermaticorum funiculo veri peritonaei appendicem, et quasi vaginam atque processum, vasa spermatica comprehendentem, naturaliter per illud musculi obliqui ostium descendere, atque hunc naturalem processum in veris herniis, quae in his sedibus fiunt, ab intestino, omentoque, in inferiora nitentibus, diduci atque ampliari, vel etiam rumpi π). Nec hunc errorem supra laudatus SCHRADERVS deposuerat, qui cum BIDLOO huius ficti commentitique processus, qui in recte valentium hominum vero peritoneo nunquam reperitur, imaginem delineauit ς).

§. V."

Supereft tunica sic dicta ἐνδοϑροειδής, quae tertium testiculi velamentum constituit. Rectius tamen eam musculis adnumerant, et κρεμαστήραν vocant, anatomici. Musculum esse, et carnosae, ex quibus componitur, fibrae, eiusque actio, ostendunt.

ξ) Vid. CHESELDENS *Anatomy of the Human Body Edit. VI. Lib. IV. Cap. I. p. 260.* MONRO *c. l. Obs. XIX. §. 20. p. 260.* Rem paulo aliter exponit WINSLOVIVS in *Expos. Anat. T. IV. P. I. §. 515.* Vide figuram, in qua vaginalis tunica flatu distenta est, in IOHANNIS IACOBI RAV *Resp. ad FRID. RVYSCH. Tab. II. fig. 2.*

ο) *Lib. I. de Semine Cap. XV. T. III. CHARTERII p. 202.* Τὸ δὲ ἀπὸ τῶδε τέτραται τὸ περιτόναιον ἑκατέρωθεν ἀξιολόγῳ τμήματι, καὶ πὸρος ἀπ' αὐτῆ γίνεται μέγιστος, εἰς τὰς ὀρχαίς καθήκον. Peritoneum vtrunque memorabili foramine perforatum est, et meatus ab ipso fit maximus ad testes descendens.

π) Vid. MONRO *c. l. p. 256.*

ς) Vid. *c. l.* et BIDLOO *Anat. Tab. XXXII. fig. 3. et 4.*

dunt. De eius origine non prorsus consentiunt anatomici. Illud exploratum est, eum incipere a fibris, quae a musculo abdominis obliquo interno, atque transverso, excedunt σ). Sunt, qui nexum cum obliquo externo et illo FALLOPII ligamento deprehenderunt τ). Eo superior, et non nisi anterior, vasorum spermaticorum pars contegitur, post autem, dum musculus descendit, is testes omnemque contextum cellulofum, vel, ut vocant, tunicam vaginalem, comprehendit. Musculus hic, si fibrae motu suo cientur, premit, et quasi permulcet, testiculos, atque in iis humidi genitalis, tum confectionem, tum excretionem, iuuat. Peruulgatum et nemini ignotum est, hominibus vegetis, qui confirmata robustaque aetate, incorruptaque valetudine sunt, hunc musculum cum exteriori cute adduci, et eo testiculos quasi adstringi, decrepita autem aetate, et, si corpus labore, morboque, infirmatum, aliisque occasionibus eneruatum, est, pendulis subtus testiculis, laxari.

§. VI.

Huic autem musculo extrinsecus alius contextus cellulofus, isque validior, innatus est, quo vterque testiculus contegitur. Vix non omnes, qui rem anatomicam, inter veteres, atque inter recentiores, illustrauerunt, hic valentior tunicam sibi inuenisse visi sunt, quam Graeci $\delta\alpha\gamma\epsilon\rho\nu$ vocauerunt. Illam, quae propter arteriarum venarumque numerum rubicundior est, carnosam esse existimarunt, eamque comparauerunt illi tunicae, quae in brutis, late super adipem fusa, panniculus carnosus dicitur. Plurimorum igitur, non proletariorum, scriptorum opinio fuit, $\delta\alpha\gamma\epsilon\rho\nu$ esse musculum, inter duplicem contextum

* Vid. ALBINVS *de Musculis Lib. III. Cap. 80. p. 204.*

* Vid. IDEM, et prae caeteris WINSLOVIVS *Exposit. Anat. T. IV. P. I. §. 520*, qui vero nihil de ortu a transverso addit. Conf. HALLERVS *c. l. p. 206*. Varia secandi ratio, ut fieri solet, his originum discrepantiis occasionem dedisse videtur. Vid. MONRO *c. l. LIEVTAUVD* addit fibras ex aponeurosi recti eductas *c. l. pag. 334*. Conf. Cl. GÜNZIVS *c. l. Cap. VI. p. 17*.

textum cellulofum medium, eumque fubiectos testiculos, eorumque propria velamenta, ipfumque musculum cremasterem, non comprehendere tantum, fed etiam adstringere atque comprimere v). Sed vero hanc rem a recentiffimis fcriptoribus, a claro doctoque inter Gallos Chirurgo, LIEVTAUD Φ), et Celeberrimo Viro ALEXANDRO MONRO χ), in dubitationem adductam inuenimus, qui malunt, omnem hanc, quae fub fcroti integumento, feu cute, eft, tunicam non aliud eſſe, quam paulo validiorem contextum cellulofum. Ostendunt enim, anatomicos ideo in opinionem, hic veram carnem musculumque eſſe, adductos fuiſſe, quod ille valentior contextus venoſior fit, et ob vaſorum per eum diſcurrentium numerum admodum rubeat ψ). $\Delta\alpha\gamma\rho\acute{\iota}\varsigma$ autem, cuiuſcunque naturae fit, etiam inter testiculos aſſurgit, eosque diſcernit, de quo ſep̄to inter RVYSCHIVM et RAVIVM, magnos in anatome viros, fuit plena contentionis controuerſia ω). Vbi interius hoc ſeptum eſt, extrinſecus in ſumma cute $\xi\alpha\Phi\eta$ conſpicitur, quae non ſolum in ſcrotto eſt, fed etiam per genitale membrum, et retrorſum

v) Musculum cutaneum eum appellat WINSLOVIVS c. l. §. 498.

Φ) c. l.

χ) c. l. p. 267.

ψ) Vid. Iudicium, quod de panniculo carnoſo ſub cute hominis tulit CAROLVS STEPHANVS in *Diſſect. Partium Corporis humani Lib. II. Cap. II. p. 164.* Ostendit enim, hunc ſic dictum panniculum carnoſum non, niſi in ſenibus gracilioribus, et emaciatis, vel longo morbo conſectis, conſpicuum eſſe, in his enim exhaustae pinguedinis aliquid apparere, quod carnoſae membranae ſpeciem prae ſe ferat. Hoc enim eſſe id, quod tunicam adipoſam, vel, in aliis ſedibus, tunicam, aut contextum cellulofum vocamus, a vero propius eſt. Quamvis igitur in hoc ſcroti velamento inter cellulas plures ſint fibrae muſculoſae, et aliae, tendinis naturam habentes, erit tamen diſcrimen inter veram muſculoſam tunicam, qualis in brutis ſub cute conſpicitur, et inter $\delta\alpha\gamma\rho\acute{\iota}\varsigma$.

ω) Vide RVYSCHII *Reſponſionem ad Epistol. problem. I.* RAVII *Epist. de Inuentoribus Septi Scroti ad RVYSCHIVM Anno MDCXCIX.* RVYSCHII *Reſponſionem, quae legitur in Epist. problem. XII.* RAVII *Reſponſionem ad qualemcunque Deſenſionem* FRED. RVYSCHII. RVYSCHII *Reſp. in Epist. probl. XIII.* Confer Cl. Viri IOH. FRID. SCHREIBERI *Vitam RVYSCHII, p. 45.*

sum per peritonaeum, excurrit. Si illud, quod $\pi\epsilon\gamma\iota\ \tau\acute{\epsilon}\ \delta\alpha\gamma\tau\acute{\epsilon}\varsigma$ a recentioribus proditum esse diximus, eum nihil praeter contextum cellulofum esse, verum est, facile erit lites illas componere. A veritate enim propior semper visa est RAVII sententia, qui septum hoc duplex, et cuique testiculo proprium velamentum esse, voluit, quamvis suam opinionem acri obstinatoque animo defenderit RVYSCHIVS. Etiam cellulofus contextus, si is non multum adipis habet, vt non omnia eius loculamenta satis distenta sint, ad membranae similitudinem propius accedit. Tanto enim magis, qui hoc velamentum, euulsis testiculis, aëre ficcatum ostendunt, sibi aliisque fallaciter imponunt, cum haec partes corporis humani condiendi asseruandique ratio aptior sit ad verum constitutum alienandum, quam ad eum, si reconditus est, et obscurior, patefaciendum, illustrandumque α). His vero exploratis, subiiciendum est, hunc exteriorem contextum cellulofum etiam cuti subesse, quae coles contegitur, quae obseruatio ad dignoscendam nostri morbi sedem, id quod ex infra dicendis apparere poterit, necessaria est. Superest tandem cutis, eaque rugosior, quas rugas, quasi transuersas, illa $\delta\alpha\phi\eta$, de qua diximus, discernit. Rugae contractiones densioresque sunt in robustis recteque valentibus, in senibus autem et imbecillis illae, atque omnis cutis, cum musculo cremastere, laxantur, id quod iam occasione huius musculi retulimus. Cutim in scroto pilosam esse, et glandulis, quas anatomici, MORGAGNO autore, sebaceas vocant, consitam, cum id nemini obscurum sit, et ad illius morbi, de quo nobis dicendum, naturam parum faciat, iam mittimus atque praeterimus.

§. VII.

Praeuisis his omnibus, hydroceles, cuius plures species esse diximus, naturam propriamque sedem nosse poterimus.

Sed

α) Vide RAVII *Responsionem* p. 14. conf. SCHREIBERVUM c. 1.

Sed verò, cum haec vitia, quae omnia ex humoris nimia abundantia oriuntur, hydropis generibus adnumerari debeant, illud autem per omnes hydropis species perpetuum sit, aquam vel in contextu aliquo adiposo cellulosoque subsistere, vel in cauum quoddam ventremque, vt anatomici loquuntur, contrahi, id etiam de hydrocele dicendum est. Longe tamen frequentius intumescit contextus cellulosus, quo testiculi, eorumque vasa, conteguntur. Hunc autem triplicem esse, ex supra dictis intelligi potest, quare etiam totidem genera tumorum nascuntur. Siquidem prima huius morbi sedes est, ille contextus cellulosus, quem summa cutis scrotumque habet, quod, si aqua intentum tumet, morbus hydrops scroti appellari, et a vera hydrocele distingui, consuevit. Quoniam autem horum tumorum magna est conuenientia, et huius hydropis, quo scrotum tumet, pathologiam curationemque cum aliis explicare non erit alienum. Qui inter duplicem contextum cellulosum tunicam mediam carnosam collocant, et hanc cum veteribus *δαγρόν* vocant, illi et huius tumoris aliquod discrimen admittere debent, cum humor, tum in supremo, tum in medio illo contextu celluloso, tum etiam in vtroque, consistere possit. Sub hoc tumore integri sunt testiculi, eorumque velamenta atque vasa. Sed verò, vbi violatum est illud alterum testiculorum velamentum, quod vulgo tunicam vaginalem vocant, vera hydrocele nascitur. Discreta itaque sunt haec vitia, hydrops scroti et hydrocele, quod musculus cremaster inter scrotum atque vaginalem tunicam medius est. Sub hydroceles tamen specie aliae sunt, quae etiam non mediocres differentias recipiunt. Nam nec in hac vno loco est humor, quo illa velamenta distenduntur, quamuis rarum esse, et forte nunquam incidere, opiner, vt is inter summam mediamque tunicam, vel inter cremasterem et vaginalem circumfluat. Plerumque intenditur illa vaginalis tunica superior, quae spermatica vasa comprehendit, et circa epididymidem finitur.

finitur. In hanc enim humor destillat, et cellulas, inter se apertas et peruias, implet, vt tandem totus ille contextus non solum tumeat, sed etiam multum alienetur atque occallescat. Sed vero, quamuis hoc crebrius in ea tunica vaginali accidat, qua, vt dixi, vasa spermatica conteguntur, nihilominus etiam ille contextus cellulosus paulo tenerior, qui inter infimum testem atque inter cremasterem medius est, vitium contrahere, et ex retenta aqua tumere, potest. Galli omnem hydropem in duas species diuidunt, in eam, in qua illa minora loculamenta, quae adeps habet, et quae, etiam teneriori oleo plena, inter alias variarum partium tunicas media sunt, et quae recentiores plerumque cellulas, vel contextum, aut tunicam cellulofam, vocant, ab humore intenduntur, *par infiltration*, et in eam, vbi humor, in quodam cauo, vel sic dicto ventre, extra receptacula sua missus circumfluit, *par epanchement* β). Vtrumque etiam in hydroceles generibus fieri, iam a CELSO animaduersum legimus, qui ita, vbi hernias exequitur, scribit γ): *Integris vero membranis interdum eam partem, (scrotum) humor distendit. Atque eius quoque species duae sunt. Nam vel inter tunicas is increscit, vel in membranis, quae ibi circa venas et arterias sunt, vbi hae grauatae, occalluerunt.* A vero enim propius est, CELSUM, qui de membranis scribit, contextum cellulofum, vel tunicam vaginalem, significasse. Humor enim non solum illis loculamentis inhaeret, sed etiam ex iis ruptis exesisque quandoque efferri videtur, vt inter membranas circumfluat, illasque in tumorem attollat. Interdum vero ille inter supremam tunicam vaginalem, qua vasa spermatica comprehenduntur, subsistit, interdum vero in inferiores partes nititur, et per illud septum perrumpit, quod,

C 2

inter

α) Vid. GARENGEOT *Traité des Operations* T. I. Cap. VI. p. 386. LE DRAN *Traité des Operations* p. 173.

γ) CELSVS *Lib. VII. Cap. XVIII.*

inter superiorem tunicam vaginalem, et alteram, quo testiculus comprehenditur, medium, et ipsi testiculo ac epididymidi innexum, esse, supra retulimus d). Praeter haec aliud vitium est, et, ut videtur, frequentius, ubi vnum ex supra commemoratis loculamentis, ab inclusa aqua, paulatim distenditur, ut humor, quasi tunica sua, magis et magis occallescente, includatur. Illud si in visceribus, in quibus hoc frequens est, incidit, oriuntur tubercula, quae, quod aquosum humorem continent, hydatides appellantur. In adipe, atque aliis interioribus sedibus, interdum his similes tumores deprehenduntur, qui, quod in iis humor, accedente vetustate, callo circumdatus, et quasi quodam velamento inclusus, est, parum ab illis tuberculis differunt, quae ganglia, melicerides, atheromata et steatomata appellantur. Nam haec tumorum genera non alia re inter se discrepant, quam materia, quae iis subest, quae, vel, concreta atque dura, renititur, vel, liquidior, subtus circumfluit. At vero ab illa tunica, qua veluti *περὶ τῆς κύσεως*, humor includitur, tumores illi recentioribus cystici vocantur, qui ob id hoc etiam hydroceles genus *cysticum* appellare haud dubitauerunt e). Horum tuberculorum, quorum in hydrocele

d) Vide historiam, quam habet GARENGEOT *Traité des Operations T. I. Cap. VI. Art. 3. Obs. 27. p. 451.* Liqueur ex inciso tumore effusus fuit corruptus. Vitium ex gonorrhoea maligna celerius suppressa natum fuerat.

e) De hoc hydropis genere in aliis sedibus prolixè egit LE DRAN *l. c. p. 162.* item de huius generis hydrocele *p. 178. sqq.* Hydroceles autem genus, in quo aqua velamento suo, vel tunica, inclusa est, iam cognovit PAVLVS AEGINETA *Lib. VI. Cap. 62. p. 90. Edit. Ald.* ubi agit de Hydrocele. *Πολλοὶς δὲ ἐν ἰδίῳ χιτῶνι περιέχεται τὸ ὑγρὸν, καὶ καλεῖται οἱ χειρουργοὶ τὸ τὸ πάθος ἐν ἐπιδιδυμῶν.* Saeps in propria tunica continetur humor, et chirurgi vocant hunc morbum in supernascente scil. tunica. Sic interpretatur PAVLVM GORRAEVS in *Definit.* sub *ὕδατος*. Ab hoc illud accepisse videtur ALBVCASIS, qui *Lib. II. Cap. LXII.* scribit: *Hernia aquosa nihil aliud est, nisi collectio humiditatis in Siphac albo, quod est sub cute testiculi continente ovum, et nominatur Siphac.*

cele interdum vnum est, interdum bina 2), atque etiam plura 7), sedes vel in tunica vaginali, qua spermatica vasa continentur, vel in illo velamento, est, quo ipse testiculus comprehenditur, et quidem, ut videtur, in parte magis interiori. Raro enim hi tumores a confluyente humore extrinsecus sub ipso cremastere nasci videntur 8).

§. VIII.

Hae autem verae hydroceles species esse videntur, quas omnes accuratius exposuit Celeberrimus Vir ALEXANDER MONRO 1). Aliquam tamen animaduersionem desiderant quaedam alia illarum partium vitia, in quibus etiam humoris nimia abundantia esse consuevit. Horum primum esse solet, ubi intestinum in scrotum descendit, et aqua in relaxati peritonaei appendicem, vel, ut vocant, faccum, contrahitur. Crebrius hoc fit, si illa appendix non simul cum intestino et epiplooo repellitur, sed inguini immoratur. Nam, dum vincitura admouetur, haec appendix, cuius tunica naturaliter roscida est, pilae subiicitur, qua, fasciae, corio, vel ferreo anulo, adfuta, ad reprimendas hernias utimur. Membrana vero sic valenter pressa offenditur, atque tandem occallescit, ut minora itinera intercludantur, quae humorem, ex affecta tunica copiosius exsudentem, resorbent 2). Imo inter-

C 3

dum

phac. Et quondaque est in panniculo proprio, quem praeparauit sibi natura in parte oui, ita, ut videatur ouum aliud.

2) Vid. GARENGEOT c. I. Obs. 28. p. 463.

*) Vide singularem de hac re obseruationem in LE DRAN *Traité des Operations* p. 178.

8) Vid. SHARP'S *Treatise on the Operations of Surgery* Cap. IX. p. 46. Edit. II.

c) in the *Medical Essays* l. c. Vol. V. Obs. XXI. p. 299.

*) Vide obseruationem, ubi in talem peritonaei appendicem, vel faccum capaciores, in quem etiam omentum deuolutum erat, magna vis humoris, sex libras exsuperans, fuit contracta, a MONRO c. I. propositam p. 314. Humor euocatus est, demisso in tumorem exili breuique ferramento, illi, quo aqua ex abdomine emittitur, simili, quod fistula,

dum accidere solet, ut illius appendicis tergora, nimis valenter pressa, summa sua parte inter se iuncta glutinentur, quare in eam contractus humor nullum exitum habere, neque in abdomen reuerti potest λ). Alterum autem vitii genus in ipso testiculo oritur, qui, si induruit, atque, id quod in sarcocoele fieri supra retulimus, scirrhus laborat, plenior fit atque tumet. Non raro enim in hunc multum limpidi, quandoque etiam mali, corruptique humoris contrahitur, praecipue si testiculus, vitio intus orto, intumuit.

§. IX.

Ante omnia vero quaeritur, quae sint horum vitiorum origines, causaeque, in quibus inquirendis sedulo considerari oportet discrimina, quae illa tumorum genera recipiunt, et quae supra executi sumus. Ne vero scroti hydropem praetermittamus, quippe quod tumoris genus frequentissimum esse solet, ei, et omni oedemati, commune est, ut, vel a vitiatissimis humidis, vel ab affectis praecclusisque itineribus, per quae illa feruntur nascatur. Viscidum enim in humidis, quod oriri solet, ubi corpus mali habitus est, subsistendo claudit, tum itinera, per quae illa naturaliter perlabuntur, tum etiam inuisibilia tunicarum foramina, per quae succi, in tenuissimum halitum resoluti, et exspirant, et iterum resorbentur. Quibus excoecatis, humida, vel in ipsa maiora receptacula confluunt, vel viam in spongiosi adiposique contextus cellulas reperiunt, huncque distendunt. Atque sic paulatim tumores nascuntur, id quod etiam

la, vel sic dicta cannula, instructum fuit. Multum desidente tumore, solum omentum in appendice, vel sacco, fuit relictum.

- λ) Vide sectionem cadaueris in SAVIARD *Observ.* XXII. p. 120. et singularem historiam a LE DRAN relictam. Hydrocele fuit ex tribus speciebus composita. In vno enim aegro inuenit, appendicem peritonaei, vel saccum, aqua repletum, et superius clausum, praeterea cysticum, seu velamento suo inclusum tumorem in tunica vaginali, et tandem alium tumorem in illa tunica cellulosa, quae cingit testiculum. *Obs. de Chirurgie T. II. Obs. 75. p. 155.*

iam accidit, si integris humidis via per venas non fatis, sed ita, aperta est, ut per has sanguis quidem, ast non sine mora atque impeditioe, permanare possit. Compertum est, quoduis membrum intumescere, et oedemate laborare, si eius venae aliquantum, atque ita, premuntur, ut in eo vitalis humorum motus languescat. Nam si venae prorsus premuntur, adstringunturque, ut vitalis motus omnino sistatur, membrum gangraenae opportunum fieri, nemo ignorat. Oedemate autem pedum vexantur praegnantēs, expletis fere ad pariendum mensibus, quod grauidus vterus venas iliacas vrget; quae omnia, et illa etiam, tacemus, quae in fractorum ossium curationibus, si his ferulae non recte accommodantur, fasciaeque arctius circumdantur, eueniunt. Sed vero, utrumque in scroto fieri posse, intelligitur. Venae enim, a pudendis internis ortae, quas ab hypogastricis descendere nouimus, per scrotum et eius *δακτύλον* diuiduntur μ), quae, si in variis tumorum generibus premuntur, scrotum oedemati, saepe etiam scirrho, opportunum reddunt. Plerumque tamen scrotum attollitur in hydro-picis, iis prae caeteris, qui eo genere laborant, quod Graeci *ὕπὸ τὴν σάρκα* nominauerunt. Aquarum enim facilior transitus est ad illum contextum adiposum, cellulosumque, quem scrotum sub summa cute habere diximus. Etiam iis, quos *ἀσχιτῆς*, vel pectoris hydrops, cachexia, aliaque morborum longinquorum genera, male habet, pedes intumescunt, qui tumores, dum assurgendo ad summa femora inguinaque perueniunt, tandem etiam scrotum, eiusque contextum cellulosum, occupant, et in tumorem attollunt. Interdum tamen scrotum ex aliis causis intumescit, cum etiam in nascentibus aliquando intantum tumidumque conspiciatur. Ad hoc vero plurimum facere videtur, si partus in vtero aliter collocatus est, et modo commemoratae venae a membro quodam compressae fuerunt.

In

μ) V. LIEVTAUD c. l. Sect. IV. Art. XIX. p. 343.

In primis puerorum aetatulis hi tumores saepe ab illuue for-
dibusque nascuntur, si illi non lauantur, neque lintea, quae iis
substernuntur, et inuolucra, vrinae et ventris proluue, perfu-
sa, crebrius mutantur. Vrinae etiam difficultas, si in vrethra
callus atque cicatrix, vel aliud quid concretum, se opposuit,
vel, si minor asperiorque calculus vrget, huius tumoris causam
afferre potest. Dum enim vrina reddi non potest, illa rodit
tunicas, et saepe in hunc cellulofum contextum, vel *δακτύον*,
irrupit, atque ad penem, aliasque iuxta positas partes, pro-
cedit¹⁾.

§. X.

Diffat autem ab hydrope scroti, et originis, et curatio-
nis, ratione, vera hydrocele. Intumescit vaginalis tunica, cui
spermatICA vasa innexa sunt, si humor de abdomine in eam de-
stillat. Nihil tamen ad id facere videtur *ἀσκίτης*, cum ex imo
ventre nullus sit humori per peritoneum exitus. Est autem
aliud hydropis genus, quod non raro ascitis speciem prae se
fert, dum aqua illum contextum cellulofum intendit, qui ex-
trinsecus peritoneo inhaeret. Ex hoc genere, quod inter-
dum solum est, frequentius aliis speciebus, praecipue illis, quas
ἀσκίτην et *ὑπὸ τὴν σάκκα* vocamus, iunctum ξ) fieri potest hy-
droce-

¹⁾ Vide MONRO c. I. p. 300.

ξ) Vide huius hydropis descriptionem in ANT. NVCKII *Adenogra-
phia curiosa* Cap. IX. p. 103. In *Comm. Acad. Reg. Sc. Anno MDCCVI.* p. 667.
a LITTRIO. In *Ephem. Nat. Cur. Cent. V. Obs. XXIII.* a LVCA SCHROE-
CKIO. Plures in ea opinione sunt, ascite sola laborantibus aquam
ex abdomine in vaginalem tunicam defluere. Nullam autem viam esse,
Anatome docet. Vid. etiam SHARP. c. I. Cap. IX. Rationem tamen
non improbabilem, cur iis, quos ascites male habet, vel, quibus ex
aliis causis venter intumuit, interdum vera hydrocele nascatur, adfert
Doctissimus MONRO c. I. p. 301. Ostendit enim, vaginalem tunicam
compressis venis spermaticis etiam, ea ratione ac, de aliis partibus dictum
est, intumescere, et quasi oedemate laborare. Premi autem venas, ab in-
tento adductoque multum musculo obliquo, atque sic arctato eius ostio,
per quod vasa descendunt.

drocele, si humor ex illo contextu celluloso, quem peritonaeum habet, in vaginale testiculi velamentum destillat. Supra enim retulimus, vaginalem tunicam ab illo contextu celluloso incipere, atque ab eo per muscoli obliqui ostium, vel annulum, descendere o). Longe tamen crebrius tunica vaginalis offensis, quae extrinsecus incidunt, afficitur, vexaturque. Talis vero causa si praecessit, crebrius illud hydroceles genus nascitur, et quod, recentiores scriptores secuti, cysticum nominavimus, quod ex caeteris speciebus frequentissimum esse existimamus. Nec vero hoc, nec illud, ignorari oportet, hanc speciem saepe medentibus opinionem facere, humorem inter spermatica vasa et testiculum atque contextum cellulosum circumfluere, cum ille tumor ab interioribus partibus propior sit. Non semper tamen huius hydroceles causae evidentes sunt, cum interdum aegri ipsi ignorent, qua occasione tumor, qui a paruulo incepit, natus fuerit π). Id tamen crebrius ex ictu aliquo,

o) Vide commemorabilem hydroceles historiam in FRID. HOFFMANNI *Consultat. Sect. III. Cap. 56. p. 259.* Inciso enim tumore, effusaque aqua, protinus, et vix momento temporis, magna vis aquae defluxit, qua scrotum iterum fuit intentum. Sine dubio, cum vix alia via sit aperta, haec aqua ex contextu celluloso peritonaei descenderat. Similem fere historiam proposuit LE DRAN *Traité des Operations p. 184.* qui, postquam ex hydrocele humorem, scroto perforato, euocauerat, non sine admiratione deprehendit, in cellulis scroti humorem adeo increuisse, ut illud in tumorem ingentis magnitudinis attolleretur. Huius autem rei aliam causam subiecit Vir Clarissimus. Cum enim in illo aegro alia hernia, et intestinum etiam deuolutum, esset, eumque caeteroquin ascites male haberet, existimat, aquam fuisse in illam peritonaei appendicem, quem Galli vulgo saccum appellant, contractam. Hac appendice perforata, et liquore effuso, glutinatam quidem fuisse summam cutim, non vero protinus coire potuisse perforatum peritonaeum, igitur aquam de imo ventre descendisse, per huius vulnus in scroti cellulas, easque impleuisse.

π) Animaduersione dignum est, quod de hydroceles origine reliquit REMBERTVS DODONAEVS Seculi XVI. autor in *Obs. Medicinal. Cap. 38. p. 98.* et quod confirmare videtur HILDANVS *Obs. Chir. Cent. IV. Obs. 66.* Scribit enim DODONAEVS, hoc vitium, vel a causis

aliquo, et, si vaginalis tunica qua re vehementer premitur, vexaturque, fieri, obseruatione compertum habemus. Etenim hoc aliquando viro accidisse meminimus, qui, cum in equum intractatum, nouumque, adscenderet, femori scrotum testiculumque subiecit, valenterque pressit, vnde acerbissimus dolor cum aliqua inflammatione ortus fuit. His, nescio qua ratione, ab alio percuratis, relictus fuit tumor et vera hydrocele, quae adeo increuit, vt, cum homo meticulosior scalpelli, vel acus triquetrae, operam repudiaret, humor, per se ruptis tunicis, effunderetur, id quod aliquoties, glutinato vulnere, et iterum increfcente humore, contigit. In iuvene, de quo infra dicitur, sinistri lateris scrotum intumuit, postquam is illam sedem, vbi spermatica vasa cum suis velamentis ab inguine dependent, saepe multumque, atque etiam vehementius, presserat, et illud vaginale velamentum violauerat. Id vero mediante arcubalista factum est, quam huic loco, cum arcum tenderet, atque sagittas

intus natis, vel ab offensionibus externis, oriri. Si a causis latentibus fuerit profectum, multa obseruatione exploratum esse, hydrocelem occupare semper sinistram scroti latus. Sinistram vero venam seminalem, non ex caua, veluti dextra, sed ab emulgente sinistri renis, procedere, atque originem sumere. Addit autor, quem vitalis humorum circulus, ab HARVAEO post eius tempora repertus, latuit: *Rene hoc (sinistro) male affecto, nec officio suo probe fungente, vrinae pars, quam emulgens haec ad se pertraxit, cum ad vesicam per male affectum renem non potest descendere, per seminalem in erythroidem delabitur, et hydrocelem eo modo ingenerat.* Haec quidem a DODONAEIO allata causa, his temporibus inepta, merito ridetur ab HEISTERO *de Hydrocele p. 17.* Hoc tamen accidere potest, vt, si ren calculis et arena laboreat, vel cum his etiam vlcere iam exesus sit, sanguini arena admisceatur. Exiguus vero calculus ex vena renali pondere in venam spermaticam prolabi potest, et in ea sanguinis refluxum turbare. Sanguinis refluxu, per venas impedito, oedema oriri, alibi probauimus. Fatendum tamen ex hac causa aequae intumescere posse ipsum testem, ac eius velamenta. Nec adeo frequens est, vt, qui hydrocele laborant, calculosi sint. Illud tamen adhibita obseruatione proximum a vero visum fuit longe crebrius super sinistram, quam super dextram, testiculum nasci hos tumores. Ad hoc attendere, vel probabiliorē causam inuenire, poterunt ii, qui in maioribus valetudinariis fere quotidianam his morborum generibus medendi occasionem habent.

gittas neruo aptaret, crebrius imposuerat. Nullum dubium est, variam occasionem esse, qua illa interior, sic dicta, vaginalis tunica, quibus vasa spermatica innexa sunt, potest offendi. Id vero etiam illi contextui celluloso accidere potest, qua ipsum testiculum comprehendit, supra retulimus. Nec aliam causam esse opinamur illius speciei, in qua inter vasa spermatica ipsumque testem, et inter illa cellulosa velamenta, aqua consistere atque circumfluere dicitur. Nam, cum in omnibus his sedibus atque tunicis, quas, ne inter se glutinentur, vdas esse oportet, humor tenuis limpidusque, roris instar, per exilia admodum itinera efferatur, isque iterum aliis fistulis venisque absorbeatur, disci potest, haec velamenta ab illo humore attolli, si hoc alterum genus fistularum, per quas ille resorberi, et aliis humidis, atque ipsi tandem sanguini, iterum affundi, debet,occoecatum est. Id vero, laesa, vexataque, illa tunica, ex ictu atque inflammatione fieri, veri nobis similis videtur, cum omnes membranae, et ille etiam spongiosus contextus, si vexantur inflammanturque, facile indurescant. Hoc si vni, alteriue, cellulae accidit, illa inflatur, et saepe in immanem tumorem, tergoribus magis et magis occallescentibus, distenditur. Atque etiam euenire posse arbitramur, vt liquor, qui velamento suo inclusus fuerat, hoc tandem interiora versus rupto, efferatur, et inter vnam alteramque tunicam circumfluat. Imo, si humor, qui superiori scroti velamento, vel tunicae vaginali, qua vasa spermatica comprehenduntur, subest, quotidie increscit, is tandem pondere suo in inferiora atque in illud septum nititur, quod tunica vaginalis, inter testiculum atque vasa medium, habere diximus. Vbi illud septum diducitur, liquor viam inter testiculum et illum teneriorem contextum cellulosum, in quo hic quasi natat, reperit, id quod etiam incidere potest, si ille, accedente vetustate corruptus, septum perrodit, partem inferiorem scroti implet, et tunicas adeo attollit, vt, nec visu, nec tactu, sentire possimus testi-

culum e). Corrumptur vero humor celerius, si ab initio ei aliquid sanguinis fuit admixtum, et, si corpus mali habitus est. Deprehendimus etiam, nonnunquam hydrocelem relinqui post alias testiculorum curationes, maxime, ubi hi a venereo morbo, retentaque mala gonorrhoeae materia, intumuerunt, et tumores calefacientibus cataplasmatibus fuerunt dissipati. Non dum autem certo asseuerare possumus, num in his hominibus vitium a morbo proficiscatur, et retenta mala materia, num vero a remediis, quae aduersus inflammationem partium harum, glandulis simillarum, adhiberi consueuerunt. Etiam ii, quibus frequentior his morbis medendi datur occasio, animaduertent, num in iis, quos venereus morbus male habet, liquor, qui ex hydrocele effunditur, semper alienatus, corruptusque, sit: id quod caeteroquin ex aliis occasionibus, maxime, si morbus ex ictu natus, et, ut mox scripsimus, aliquid sanguinis extra vasa missi humido fuit admixtum, incidere solet σ).

§. XI.

Propriam vero animaduersionem desiderant signa, quae in quoque horum vitiorum genere habere possumus. Sunt autem, quaedam communia, quibus, scroti tumoribus humorem subesse, discitur, quaedam propria, quibus locusprehenditur, quo ille consistit. Ne vero variae species hydroceles aliis herniis confundantur, iam superius scripsimus, veras hernias deorsum descendendo increfcere, hydrocelem vero, aliasque, quas spurias vocant, adscendendo. Ut enim iam nihil de scroti hydrope commemoremus, in hydrocele, nisi illa ab aliis hydrodis generibus, in toto corpore consistentibus, orta fuerit, id quod raro euenire crediderim, vasa spermatica in inguine
fine

e) Vid. GARENGEOT *Traité des Operations* T. I. Cap. VI. Art. II. p. 455.

σ) Vid. exemplum in GARENGEOT c. l. T. I. Cap. VI. Art. II. Obs. 27. p. 457. Caeteroquin humor, qui ex incisa hydrocele emittitur, plerumque lymphae similis est, et igne gelatur. Confer Cel. HEISTERVS *de Hydrocele* §. XIX.

sine tumore sunt, molliaque, et tumor non, nisi medias, vel inferiores, scroti partes, obsidet. Vbicunque etiam humor est, is, si digito premitur, cedit, circumfluensque id, quod non premitur, attollit. Humor, si limpidus est, (nam, eum, interdum sanguine remisceri, vel, putrescendo corrumpi, supra retulimus) admoto lumine, tanquam in vitro, cornuue, per scrotum apparet. Caeteroquin tumor, qui sine dolore est, ex paruulo incipit, et paulatim augetur, vt scrotum intentum se indies magis attollat. Nunquam vero tumor, etiamsi prematur, aut corpus aliter collocetur, se ex toto remittit, vel multum minuitur, quod in veris herniis fieri compertum est. Nam, si in oscheocele, vel intestinum, vel omentum, descenderunt, etiam attollitur scrotum, sed ratione modoque diuerso. Oscheocele enim plerumque ex bubonoccele nascitur, quae ex aliis causis repente oritur, si abdomen valde compressum, ictu grauiori violatum, concussumque, fuit, aut, si homo, retento spiritu, sub aliquo pondere nixus est, aut, si is saltu ex eminentiori loco se praecipitem dedit. Tumor hic, qui ab inguine incepit, tandem, nisi vinctura adhibeatur, paulatim in scrotum descendit, dum intestinum atque epiploon pondere deuoluuntur. Quo vastius tumet scrotum, accepto maiori intestini omentique modo, eo magis etiam inguen, relaxato multum ostio, vel annulo, impletur. Scrotum in oscheocele tactu leue est, et lubricum, aliquantum inaequale, quod, digito pressum, cedit, non vero ita, atque ab incluso humore fieri solet, intentum est. Nam in hydrocele, vbi humor valde increuit, is digito, sicut vter repletus et arcte adstrictus, obnititur, atque, vt loquuntur, elasticus est. Oscheocele, si supinus iacet homo, aut, si huc, illucue, conuerso, aut alio quouis modo collocato, corpore tumor premitur, vel ex toto desidit, vel, si pars eorum, quae exciderunt, iam cum laxato peritoneo, et haec cum illo musculi ostio, cohaeret, ita minuitur, vt exiguae reliquiae maneant, dum ea, quae deuoluta

erant, ad inguen compelluntur, id quod interdum, vbi intestina reuertuntur, cum aliquo fonitu fit. Si vero in oscheocele ea, quae descenderunt, compelli nequeunt, sed valde ab artiori ostio premuntur, ea abdomini, inguinibus, scrotoque, acerbissimos dolores, intestinorum tormina, aliaque dira symptomata, quibus stomachus etiam afficitur, inferunt, id quod in hydrocele nunquam fieri potest, quae semper sine dolore esse consuevit. In inguine etiam, et eo loco, vbi per illud ostium vasa spermatica efferuntur, longe maior tumor est in oscheocele, quam in vera hydrocele. In hac tamen is etiam locus ex humoris abundantia intumescere potest, vbi is peritonei cellulofum contextum subiit, et ab hac in vaginalem tunicam defluxit. Sed longe difficilius est, sarcocelen ab hydrocele distinguere, cum vterque tumor paulatim, a parte inferiori adscendendo, increseat, atque sine dolore sit. Nam in sarcoccele, praecipue, si tumori accommodata est fascia, qua is leuatur, non prius dolores excitantur, quam, vbi tumor, ex quacunque occasione excitatus, in carcinoma degenerat. Sed vero, testiculum induratum esse, manu atque contrectatione experiri possumus. Aliter enim prementi digito renititur ὄγκος σκληρώδης, lapidis instar durus, aliter, et vtris repleti adstrictique in modum, tunica humore intenta. Nonnunquam in sarcoccele, quamuis plenior, duriorque, sit testiculus, spermatica vasa, a quibus is dependet, integra sunt, aliquando vero illa etiam dura, conglomerataque, inguen implent, et sub cute visu, tactuque, sentiuntur. At enim aliud in sarcoccele discrimen est, quamuis illud oppido rarum esse crediderim. Interdum enim sub illis tunicis mollis hebesque caro increscit, id quod etiam tactu cognosci poterit. Tumorem enim non aequalem, minime durum, lubricum, cutim vero non multum intentam esse, in hoc casu oportet. Sed vero, vbi incidit, vt in ὑδροσπασμοκήλη, et testiculus durus sit, et humor etiam, vel in hunc, vel in vaginalem tunicam, contractus, tumori

mori subfit, indicia, quae mixta esse oportet, multum fallere possunt. Sedulo exquirenda est prima morbi origo atque occasio, eiusque incrementum, et tumor digitis contrectandus, ut is, qui curaturus est, veram morbi notitiam consequatur, qui vero in his casibus, in quibus signa obscura sunt, et saepe ab omni sensu atque intelligentia disiuncta, decipi interdum potest τ).

§. XII.

Sedes autem humoris sic deprehenditur. In hydrope scroti, in quo humorem, sub summa cute esse, scripsimus, totum scrotum ita intenditur, ut illa ῥαφή in medio maneat, quae, si hydrocele vnum latus occupat, in alterum detorquetur, et obliquatur. Scrotum in hydrope plurimum, et ita, distenditur, ut, crescente tumore, etiam cutis penitus erugetur, tumorque albidior fiat et aequalis. Praeter haec omnia, aquam inter summam cutim atque cremasterem esse, notam habemus, si cutis, qua coles tegitur, simul attollitur, ita, ut hic nudari non possit, et ut saepe urinae exiguum iter relinquatur, quod vitium Graeci φήμων appellunt υ). Hoc in anasarca, et aliis hydropis generibus, quae in toto corpore consistunt, frequens est: aliter, atque solet in vera hydrocele, in qua, quo magis scrotum ab crescente humore attollitur, eo magis superior coles retrahitur, ut is etiam sub tumore delitescat. Humorem, velamento suo, vel cystide, inclusum, in suprema vaginali tunica, qua spermatica vasa comprehenduntur, et eius quadam cellula, coisse, intelligimus, si scrotum superius, loco inter inguen et testiculum medio, humore intentum, modo supra descripto, prementi obnuitur, in inguine vero nullus, inferius non ita magnus, tumor est, ita, ut etiam testiculus tactu sentiat, quod vltimum tamen non perpetuum esse arbitror.

τ) Vid. HEISTERVS de Hydrocele §. XXVII. p. 23. confer §. XXVI. p. 21.

υ) Quibus naturale est, ut glans nuda sit, illis contrarium vitium oritur, quod παραφήμων dicitur.

bitror. Hoc hydroceles genus frequentissimum esse, supra retulimus, quamvis Cl. HEISTERO illud insolitum rarumque visum sit ϕ). Nam, si humor nulla tunica inclusus circumfluit, tumor remissior, prementi magis cedit. Si vero hoc genus in illo contextu celluloso nascitur, quo inferius testiculus cum sua albuginea tunica contegitur, tumet scroti infima pars, nec digito sentitur testiculus. Tandem, vbi humor ex illo peritonaei contextu celluloso defluxit, et vaginalem tunicam implevit, id scire possumus ex reliquo corporis habitu, et, si cum hydrocele totus venter intentus est. Inguen etiam tumore impletur, et, si, hoc inciso, aqua effunditur, ea mox reuertitur, ita, vt maior eius modus irrumpat, atque etiam tumorem, priori longe maiorem, excitet, id quod ex iis, quae supra retulimus, intelligitur. Si, id quod interdum accidere solet, vitium non vna sede χ) est, nec solum, sed aliis iunctum, notas etiam mixtas esse, necesse est.

§. XIII.

Sequitur, vt explicemus, quae pericula hydrocele, eiusque species, et quam etiam spem futurae curationis, ostendant. Vniuerse vero de his omnibus tumoribus dicendum, eos, qui, nullo antecedente morbo, coeperunt, nullo aperto periculo terrere. Scroti enim hydrops, in pueris ab illuvie ortus, si non cum alia noxa est, sine negotio discutitur. Nec is terribilis est in adultis, si per se incepit, id quod aliquando a subito frigore, quod hominem infuetum infestaue-
rat, accidisse meminimus. Si vero scrotum ab vrina intentum est, quae, exulcerato itinere, viam in illud, eiusque $\delta\alpha\gamma\tau\acute{o}\nu$, reperit, vitium, quod ad gangraenam spectat, difficulter sanescit. Nec ei, quod aliis hydropis generibus superuenit, nisi priori morbo leuato, mederi possumus. Ac ne vera hydrocele quidem, nisi cum hydrope sit, in quo totum cor-
pus

ϕ) c. l. §. XXVIII.

χ) Vide historiam a MONRO propositam c. l. p. 310.

pus tumet, vel, qui illum peritonaei contextum cellulofum occupat, adeo periculofa eft. Nam, quamuis eius non faciliffima curatio fit, tamen raro fuperuenit inflammatio, fed humor, id quod iam retulimus, nifi, incifo tumore, euocetur, interdum, illo fponte rupto, effunditur. Vbi vitio vetuftas accedit, et tumor multum augefcit, ille colem fere condit, qui retractus, geniali toro minus idoneus redditur. In hydrocele etiam id incidere folet, quod in aliis herniarum generibus deprehendimus. Scrotum inflatur, durumque fit, cuius moles, pondusque, et ex his aegro moleftia, augetur ψ). Sanabilius eft illud genus, quod cyfticum vocamus, quam illud, vbi, iam corruptus humor vaginalis tunicae cellulas perrofit. Quid autem horum vitiorum curationes effecturae fint, et quid, tum de iis, quae medicamentis, tum de aliis, quae fcalpello, fiunt, maxime de illa medendi via, qua humor ex incifo tumore effunditur, timeri, vel fperari, poffit, ex propediem dicendis intelligi poterit.

§. XIV.

His enim cognitis, ad medendi rationem veniendum, quam, ab aliis aliam, propositam inuenimus. Qui illam artis falutaris partem, quae manu medetur, et cuius effectus euidentiffimus eft, vel ignorant, vel negligunt, in omni morborum genere, et in hydrocele etiam curanda, praefidium a folis medicamentis petunt, quibus tamen parum proficiunt. Inuenimus in veterum recentiorumque libris magnum numerum medicamentorum, tum simplicium, tum varie permixtorum, in quibus aduerfus hos tumores praefidium effe, autores afferre haud dubitant. Sed vero, fi omnia, et, prae caeteris, medicamentorum facultates, paulo diligentius perpendimus, animaduertere poffumus, ex illorum autorum fcriptis magis apparere, quid quisque perfuaserit fibi, quam, quid euidenter compe-

ψ) Vid. HEISTERVS c. I. §. XXXII.

compererit. Superuacaneum foret, si illas compositiones ex eorum voluminibus transcriberemus; imo nec nobis animus est, diuersas curandi vias, in quas ii processerunt, qui, efficaciorum medicinam, ad hos tumores tollendos, necessariam esse, cognouerunt, iam multis exequi. Igitur, missis, quae ab ingeniosissimis etiam Professoribus excogitata fuerunt, nos in iis continebimus, quae, vel experientia in ipsis curationibus docuit, vel, quae, ab aliis proposita, efficaciora, atque a vero propiora, videntur. Cum vero etiam de iis scroti tumoribus dicendum sit, in quibus humor summam cutim distendit, quod genus ad scroti hydropem retulimus, ante omnia considerari oportet, num hic tumor solus sit, num aliis hydropis generibus iunctus. Tumor enim nullam curationem recipit, qui alteri vetusto morbo, maxime alicui hydropis generi, veluti anasarcae, vel etiam oedemati, superuenit, nisi ille prior morbus fuerit leuatus. Vbi tamen in hydropicis valde distenditur non solum scrotum, sed etiam cutis, qua coles tegitur, ita, vt tumor, praeccluso vrinae itinere, dolorem, exulcerationem, atque etiam gangraenae metum, adferat, ei succurrendum est, et, inciso paulo altius scroto, illoque contextu, quem *δαγ-τὸν* vocant, humor euocandus. Hoc, quod vsus docuit, etiam iubet SHARPIVS ω), qui nonnullos, quos hydrops nondum nimis occupauerat, effuso per illa vulnera omni humore, ex toto conualuisse affirmat. Recte autem monet, vtrinque, super testiculum, non exigua, sed paulo altiori, maiori-que atque lunata, plaga incidendam esse cutim, atque sic viam humori perficiendam. Id vero, quod suspensa manu secari oportet, minime lacerandum est, quare plagae faciendae sunt scalpello, qui aciem habet, non hebetem, atque retusam, sed exactam, cum omnis plaga, retuso telo illata, maiorem dolorem, inflammationemque, quae facile in gangraenam degenerat, excitare soleat. Ne haec superueniat, cui
nulla

ω) c. I. Chap. VIII.

nulla corporis sedes magis opportuna est, quam scrotum, fomenta necessaria sunt, quae aduersus eam maxime possunt, et, quae protinus, incisa cute, superdari oportet. Addit tamen SHARPIVS, propter non vanum gangraenae timorem, in hydropicis viam humori melius, et minori periculo, perfici, incisis supra talum tumentibus furis. In hac re CELSVS ^{a)} secutus esse videtur, qui vero addit, *in his curationibus corpus etiam multa gestatione concutiendum esse, atque ubi plagis inductae cicatrices fuerint, exercitationem esse adhibendam. Eas desiderare famem, sitim, et mille alia taedia, longamque patientiam. Hydropem facilius in seruis, quam in liberis, tolli, cum promptius succurratur iis, qui facile coguntur, quam, quibus inutilis libertas est.* Alia, quae ad haec pertinent, leguntur in CELSO, quae omittimus, cum iam nobis animus non sit, docere, quemadmodum in hydropis, in toto corpore consistentis, curatione agendum sit.

§. XV.

Puerulis, qui cum tumido scroto in lucem editi fuerunt, nec non iis, quibus, iam natis, illud distenditur, vtilia sunt fomenta, quae reprimunt atque discutunt. Aptae ad id sunt herbae amarae, quibus, si tumor maiorem duritiem habet, quaedam adiici possunt, quae reprimunt. Haec ex vino rubro, austero, coquuntur, et superdantur lanei mollesque panni, ex hoc decocto feruido bene expressi. Nec sapo, si eius parum huic decocto adiicitur, alienus est. Si per noctem non ita frequenter, ac res postulat, mutari possunt fomenta, experiri licet suffimenta, ex Olibano, Mastiche, Benzoë, Succino, quibus suffiri possunt molles laneique panni, et calidi superimponi. Cutis in paruulis, imo etiam in adultis, saepe emplastrorum impatiens est, si autem illa haec ferre potest, emplastrum de Cumino non prorsus alienum esse deprehendimus. Opus vero est fascia, qua et panni, super tumorem accom-

E 2

modandi,

^{a)} Lib. III. Cap. XXI.

modandi, circumponendique, continentur, et ipsum etiam scrotum inuolutum, excipitur, quod hac sustineri oportet. Illud fasciae genus, quo chirurgi vtuntur, ab usu nomen traxit, et *suspensorium* dicitur, quod in omnibus scroti tumoribus, de quibus, ne increcant, metus esse potest, non tam utile, quam necessarium, est. Confui illud potest ex panno, vel tenerioris texturae lineo, vel serico, eoque cerato, quod panni cerati genus in his puerorum curationibus tanto magis requiritur, quod caeteroquin tumor ex fasciis, atque linamentis, lotio madentibus, grauem offensionem accipere potest. Plura alia omitto, quippe quae communia, et nemini ignota, sunt, quamuis, iis neglectis, saepe omnis medendi ratio fallere possit. Ut pauca commemoremus: pannos vino madentes, quam maxime calidos quis ferre potest, admoueri oportet, haud tamen feruidos, ne illis sedibus, quibus propter teneriorem cutim exquisitior sensus est, vis inferatur. Nocentissima enim sunt, et frigus, et nimius humor. Etiam in paruulis adhibenda est munditia, fugiendaque est illa, quam reprehendimus, foedissima illuies, quam solam non raro hos morbos facere supra retulimus. Oportet, si, propter hanc, aliasque causas, fasciae resoluendae, pannique tollendi, mutandique, sunt, dum pars, quae laborat, deoperitur, summo studio auertere aëra, qui omnibus inflammatis pestilens est, siue fuerit calidus, siue frigidus. Igitur adhibendum est ignitabulum, et noui panni quam celerrime cum fascia iniiciendi sunt. Si vina nimis caro veniunt, herbae illae ex aqua coqui possunt, in qua viua calx extincta efferbuit. Duo vero in scroti curationibus, siue illae pueris, siue adultis, adhibeantur, vitanda sunt, ne tumor ocalle scat, et, ne, adhibitis nimium mollientibus, in summa cute exulceratio atque gangraena nascatur. Nam hoc vitium malis vlceribus adnumerari potest, cum serpat atque per omne scrotum continuetur, quod quandoque totum corrumpitur.

§. XVI.

Vbi autem scroto subest vrina, quae viam ex vrinae itinere exulcerato sibi reperit, res maiorem sedulitatem exigit. Oportet protinus scalpello cutim crebro concidi, vt humor euocetur, qui natura sua acris est, atque, dum in membranis, maxime in cellulis spongiosi contextus, in quibus consistit, corrumpitur, inflammationem gangraenamque mouet. Vt autem vera sanitas scroto reddatur, prospiciendum est vlceri, quod interdum difficilius sanescit, et scalpelli etiam operam desiderat. Caetera, quae ad scrotum attinent, prioribus fere similia sunt. Superhaberi oportet fomenta, quae aduersus gangraenam atque putredinem maxime possunt.

§. XVII.

Sed vero, et genere vitii, et ratione curationis, ab his tumoribus distat hydrocele, atque diuersae eius species, quae medicamentis haud vincuntur, sed manus auxilium desiderant. Emmittendus enim est humor ex omnibus illis sedibus, in quibus is conditus haeret, id quod optime fit, si tumor scalpello inciditur. Nam, qui illum, impositis adurentibus, aperiunt, iis nihilominus saepe ferro opus est, si medicamentum non transit, vel, si plaga non satis patet. Vbi vero medicamentum altius descendit, offendere illud potest partes neruofas, et periculosissimam inflammationem, cum graui dolore, mouere. Non pauci, qui tumorem aperire volunt, ad id vtuntur ferramento illo, quo venter, si hydropicis aqua emittenda est, perforatur, quod, si quis adhibere velit, paulo plenius esse debet, quale CELSVS β) describit, vt *tertiam digiti partem latitudo mucronis impleat*. Sumus vero in ea opinione, praefendum esse scalpellum anceps, mittendo sanguini idoneum, quod et eo plaga minori dolore fit, et illa etiam celerius sanescit, quam vulnus, quod ictu illatum, laceratum, atque collisum, est. Quocunque autem ferramento plaga fiat, (nam

E 3

scalpel-

β) Lib. VII. Cap. XV.

scalpelli nonnulli, vel ideo, quod illud anceps est, repudiant) γ), curam haberi oportet, ne quam arteriam, venamque, laedamus, et ne attingamus testiculum. Igitur is, qui tumorem incidendo curaturus est, digitis, tactuque, inueniat testiculum, qui in illo primo genere hydroceles, ubi tumor supremam tunicam vaginalem occupat, inferiori scroto proxime subesse solet. Quantum tamen res permittit, tumor semper parte inferiori aperiatur, ita tamen, ne ad ipsum testiculum ferramentum perueniat, neque hic, neque epididymis, laedatur. Nec ἡ ῥαφὴ vulnerari debet, nec illud, quod ab hac sursum procedit, septum. Quo melius incidi possit tumor, chirurgus eum altera manu paulo vehementius comprehendat, leniterque premat, ut, humore in angustum, et ad latus, compulso, spermatica vasa, quae violari possunt, in tuto sint, et ut humor etiam protinus per factam plagam exeat. Emitteretur vero is, vel per hanc, vel, si quis illud ferramentum adhibuerit, quo ascite laborantibus venter perforatur, per fistulam argenteam, (cannulam vocant) quam illud habet. Euocata omni aqua, etiam haec fistula recipitur, et vulnus paulum deducitur, ut, si quid humoris supersit, illud emittatur. Scroto autem subiicienda fascia est, qua, ne id saepius dicendum sit, in his curationibus semper sustinendi sunt testiculi, cum suis velamentis. Incidere tamen potest, ut, quamvis demisso sic scalpello, aliove ferramento, aliquid humoris exeat, eius adhuc multum remaneat, et tumor non prorsus desinat. Ex quo, si hoc deprehenditur, scire licet, plura tubercula, humore intentata, illis supra descriptis velamentis inhaerescere. Tum altius demittendum scalpellum est, et, vel plaga amplianda, vel, si alter tumor longe a priori abest, noua facienda, atque is etiam aperiendus, est. In his vero curationibus haud festinanter agere oportet, sed semper videre, ut omnia tuto fiant. Nam, si maior plaga, vel altera etiam, facienda est, inflam-

γ) Inter hos, prae aliis, GARENGEOT *Traité des Operations* l. c.

inflammatio superuenire potest, cuius et alia, quae ex sanguinis profusione circumstant, pericula, occasione alterius medendi rationis, qua hydrocele prorsus tollitur, explanabimus. Nam plerumque haec, quam proposui, nullum discrimen habet, et, effuso humore, plaga sine mora glutinatur. Cura tamen habenda est, ne, si intus aliquid sanguinis coiuerit, illud relinquatur.

§. XVIII.

At vero haud sanat humor sic emissus, sed, dum in affectis tunicis vitium, vnde ille coepit, remanet, is breui, et, postquam inducta vulnere cicatrix fuit, renascitur. Quare vel haec curatio frequentius, vbi humor iterum inter tunicas increuit, repetenda est, vel ingredienda est alia medendi via, qua omnis morbus tollitur. Quoniam autem in hac plura, et genera, et tempora, periculi sunt, ad eam festinare nullo modo conuenit, sed prius illam, minus arduam, experiri, qua, quamuis id non ita frequenter fiat, etiam morbus finiri interdum potest. Imo sunt non pauci, inter praestantiores et expertissimos viros, qui hanc, quam exposituri sumus, medendi rationem, veluti nimis ancipitem, et, quae adhiberi sine pernicie vix possit, repudiant, et malunt, quoties scrotum plenius est, toties tumorem incidi, atque aquam euocari. Addunt enim, morbum sic trahi posse, cum is talis sit, vt hominem non interimat, nec, quo minus is ad vltimam senectutem peruenire possit, prohibeat *d*). Si vero id subiiciendum est, quod proximum vero nobis videtur, fatemur, neque omnem hydrocelem hanc curationem admittere, neque eam omni tempore, neque in omni aetate, neque in corpore, quod ex aliis morbis infirmum, vel mali habitus, est, sine metu adhiberi posse, sed vero tamen illam in corpore iuuenili integro, atque periculis non adeo opportuno, si omnia diligenter circumspecteque fiant, et is,

d) Vid. SHARP c. 1.

et is, qui medetur, moderatione vtatur, satis tutam esse existimamus.

§. XIX.

Eum autem, qui hydrocelem ita curaturus est, vt tumor haud reuertatur, duo facere oportet, aquam emittere, et vitium, vnde ea coepit, tollere. Aqua autem ex duabus causis defluere, et increfcere, videtur, vel ex rupto lymphae receptaculo, vel, si ora venularum interclusa sunt, quibus humor, qui naturaliter inter tunicas exsudat, absorbetur. Vltimum frequentius fieri videtur in cellulis vtriusque tunicae vaginalis, tum illius, qua vasa spermatica comprehenduntur, tum alterius, qua testiculus cingitur, quando cellulae qua parte, ex variis occasionibus, occalluerunt. Id vero, quod in his tunicis durum est, atque alienatum, resolui potest, vel ferro, vel medicamentis rodentibus, adurentibusque, vel etiam moto pure. Ex diuersis auxiliis, quibus illud, quod occalluit, aufertur, diuersam medendi rationem duxerunt auctores. Nam, qui expeditissimam curationem adhibere maluerunt, scalpello vfi sunt, quo maiorem plagam fecerunt, et huius etiam oras crebrius altiusque conciderunt. Alii vero adurentia, et, prae caeteris, illam compositionem, quam lapidem infernalem vocamus, super integram scroti cutem iniecerunt, vt per inustum vlcus humorem euocarent, quod vlcus, impositis medicamentis, pus alentibus, circumpurgatum, tandem, post multam suppurationem ^{e)}, ad cicatricem perduxerunt. Inter eos etiam, qui optimum promptissimumque auxilium in moto pure esse cognouerunt, nonnulli id moliti sunt lino torto xylino, mediante acu per scrotum traiecto. Linum autem, quod sic scroto atque testiculorum tunicis insidet, et cui medica-

^{e)} Hanc medendi rationem prae caeteris contra alios, GARENGEOTUM, SHARPIUM, DE LA FAYE, qui in DIONYSII Librum commentatus est, tanquam omni fere metu atque periculo tutam extollit Celeb. HEISTERVS l. c. §. XLIII.

medicamentum, ad id idoneum, inducitur, quotidie trahendum est, ita, vt semper pars superior, quae pura est, vlcus fubeat. *Setaceum* vocant recentiores, quod, in his, aliisque, sedibus sic aptatum, vulnera, vlceraque, mordet, magnasque suppurationes mouet. Sunt etiam, qui oras plagae patentioris scalpello concidere, vel, admoto mercurio praecipitato, adurere iubent §). Nec illam pus citandi rationem omittere possumus, quam ab ALEXANDRO MONRO ⁿ⁾ nuper propositam inuenimus. Recte is monet, aliis auxiliis, si, vel adurentia admoueantur, vel orae vlceris concidantur, saepe grauiorem moueri inflammationem, cui non ita facile opitulari possit chirurgus. Igitur adhibendum esse aliquid, quo puris aliquanto amplius conciretur; oportere autem, vt id tale sit, quod, si res id postulet, protinus possit tolli. Iubet igitur illud feramentum, per quod hydropicis aqua ex ventre effunditur, in tumorem demittere, et, euocato humore, eius argenteam fistulam in plaga relinquere. Sic enim fore, addit, vt, paulo maiori excitata inflammatione, pus copiosius ex plaga feratur, atque etiam, vt inflammatio, si immodica visa fuerit, et ex ea metus oriatur, protinus recepta fistula, possit leuari.

§. XX.

Ex his autem curandi rationibus, quas optimi, et recentissimi autores proposuerunt, intelligi potest, omne praesidium in tollenda penitus hydrocele petendum esse a suppuratione, qua et illud, quod alienatum est, atque occalluit, digeritur, atque sic tandem efficitur, vt illa velamenta, quae testiculum et vasa, ad eum pertinentia, circumdant, vaginales nimirum tunicae, tam cum testiculo, quam cum cremastere, in vnum coalescant, et, fanescente eo, quod vitiatum erat, glutinentur. Quod si vero a suppuratione omnis salus in his curationibus speranda, et, si nihil magis timendum est, quam immo-

§) Vid. RVYSCH. *Aduersf. Anat. Decad. II. p. 22.* conf. HEISTERVS *c. l.*

n) *c. l. p. 308.*

immodica inflammatio, id, quod ex prioribus apparere cuilibet potest, scire licet, pus mouendum esse, ita, vt hoc inflammatione, quantum res permittit, fiat minima. Nam aliquem huius modum ad omnem suppurationem necessarium esse, nemo rerum nostrarum peritus ignorat. Inuenienda igitur sunt auxilia, quae, quasi blandiendo, illam mouent, vt non solum maior modus optimi puris ex plaga, per quam aqua emissã fuit, exeat, sed etiam, vt in aliis sedibus, ab hac remotioribus, in quibus aliquid alienatum est, ex coëunte humore, tubercula ad suppurationem spectantia nascantur.

§. XXI.

Quibus vero auxiliis hoc fieri possit, scire facile erit, si iam ea, quae Praeses in his rebus expertus est, retulerimus. Inoffensae firmaeque valetudinis iuueni, viginti circiter annos nato, intumuit sinistri scroti pars super testiculum. Praesidem consuluit, qui, indiciis supra expositis, cognouit, esse hydrocelem. In scroto tumor grandis fuit, in inguine vero, vbi spermatica vasa per illud ostium feruntur, nullus. Causam huius valetudinis inuestiganti nulla probabilior reperta fuit ea, quam supra adduximus. Arcum intendens arcubalista, hanc inguini imposuerat, et absque dubio illud vaginale velamentum offenderat. Ei, qui ex alia vrbe, et peregrinus, erat, consilium dedit Praeses de aperiendo tumore, emittendaque aqua, praedixit vero, ex hac medendi ratione vix sperandum esse, vt morbus finiatur, sed fore, vt iterum, incresciente humore, tumor reuertatur. Consilium secutus est aeger, idque executus est doctus rerumque suarum intelligens atque peritus Chirurgus, artem suam in illa vrbe cum laude exercens. Res feliciter cessit, et euocatus sine omni incommodo fuit humor subalbidus, tenuis, lymphae similis, nihil olens. Sed vero breui post, incresciente iterum humore, tumor reuertit, quare rursus scrotum incidendum fuit. Nobilis et egregie cordatus iuuenis maluit efficaciorẽ medendi rationem experiri, quam,
diu

diu, auxilio adhibito, quo morbus ex toto finire non possit, vexari. Urbem igitur nostram adiit, adducto etiam illo Chirurgo. Ante aliquot diebus corpus praeparatum fuit modico atque salubri victu, alui ductione, sanguinisque missione. Incisus fuit tumor plaga, ad duos, tresue, circiter pollices longa, emissusque omnis humor. Purum linamentum fuit vulneri impositum, et in hoc nihil, nec concisum, nec excisum. Altero die inflammatio se ostendit cum febre atque etiam dolore, qui ad lumbos vsque ascendit. Non tam scrotum intumuit, quam testiculus, qui, multo plenior factus, atque durus, tactu, dolorem excitauit. Iterum incisa vena, sanguinis detractione leuata febris fuit. Sanguis, qui paucis diebus ante optimus fuerat, nec nimium tenuis, nec crassus, iam percrassus fuit, et tenacissimum habuit coagulum, quod cum veteribus *Φλέγμα Φλεγμωνώδες* appellare licebit, ex quo notam habuimus, febrem vrgeri, et multum inualuisse inflammationem. Itaque, ne ex hac periculum oriretur, superimposita sunt cataplasmata, ex resoluentibus mollientibusque mixta. Haec enim, quae minime humida esse oportet, modo ita ponantur, ne pondere noceant, neque, vel vulnus, vel vasa spermatica, vrgeant, his sedibus magis accommodata sunt, quam fomenta, panni-que ex liquoribus expressi, qui aliis inflammatis sedibus superhaberi solent. In scroto enim mala vlcera metuenda esse ex humidis, quae infirmando offendere contextum cellulosum possunt, ex supra dictis sciri potest. Etiam ob id illa fascia, quam supra descripsimus, eaque paulo magis adducta, et scrotum, et cataplasmata, comprehensa, fuerunt. Cum etiam in his curationibus ad rem pertineat, hominem recte iacere, is supinus collocatus fuit, pectore paulo demissiori. Cibus fuit modicus, et potio quam dilutissima. Seruataque fuerunt omnia, quae ad abstinentioniam pertinent, quae eo magis necessaria fuerunt, quo magis vrgeret inflammatio, et intumesceret testiculus. Tandem vero pus se ostendit, non solum in vulnere, sed et-

iam in alia scroti fede, quae a vulnere aliquantum abfuit. Tuberculum enim ortum est, ab initio durius, atque renitens, mox in pus vergens molle, ac prementi digito cedens, quod, ubi maturuit, scalpello aperuimus. Effusa ex hoc magna vis puris, se remisit febris atque inflammatio, et dolor, quo lumbi, prae caeteris, ardebant, leuatus est. In cataplasmatum usu autem perseverandum fuit, quod testiculus adhuc admodum tumeret. Sed vero, et in alia scroti fede ortum fuit tuberculum, quod, noua inflammatione cinctum, etiam febrem mouit, quod vero iisdem cataplasmatibus ad maturitatem perductum, tandemque per se apertum, fuit. Pus, quod optimum erat, emissio, protinus multum detractum fuit, et inflammationi, et tumori, omniaque ad naturalem habitum reuertunt. Ulcera vero aptis medicamentis, pus mouentibus, purgata, linamentis puris impositis, ad cicatricem peruenerunt. Per illas igitur suppurationes, in testiculi atque vasorum spermaticorum velamentis ortas, morbus omnis finitus fuit, ita, ut homini, iam per plures annos recte valenti, nullum eius vestigium fuerit relictum.

§. XXII.

Alia huius curationis salubritatem experiendi occasio se breui post obtulit Praefidi, qui tamen fatetur, se fere inuitum coactumque eam adhibuisse Viro Praenobili, ingenio, virtute, nomine, ornatissimo, sibi propter amicitiae suauitatem coniunctissimo. Huic enim, cum infirma valetudine esset, ut ex pulmonibus frequenti tussi pus excrearet, interdum etiam sanguinem expueret, intumuit scrotum super sinistrum testiculum. Tumor, qui grandis erat, molestus fuit et optimo viro odiosus, quamuis sine dolore esset. Praeses consilium dedit de aperiendo tumore emittendaque aqua, praedixit vero, et huic aegro, morbum sic finitum non iri, sed reuersurum esse tumorem. In corpore enim imbecillo, gracili, atque aliis morbis
exte-

extenuato, periculofior vifa fuit illa medendi ratio, quae fine excitata inflammatione adhiberi nequit. Statutum itaque fuit, facta minori plaga, humorem euocare, et huic protinus cicatricem inducere. Cum vero homini confuetudo efflet, vt fibi quotannis aliquantum fanguinis detrahi fineret, ad illud tempus dilata fuit curatio. Post fanguinis miffionem scalpello anticipiti apertus fuit tumor, et effufus copiofus humor, minime malus, fed, qualem fupra descripfimus. Primo die fatis bene fe habuit aeger, vt de fanando etiam vulnere cogitaretur. Sed vero breui post periculum oftendit multa fanies, quae ex vulnere ferebatur, ab initio aquofa, mox fubrubra, et fanguinolenta, ita, vt tandem tertio, quartoque die, fanguis fere fincerus cum impetu rueret. Ab initio puris linamentis, post etiam fpiritu ardente madentibus, vulnus impletum, tandemque fanguis fuppreffus, fuit. Sed vero, cum haftenus inflammatio modica fuiffet, quod in ipfo fanguinis curfu aduerfus eam auxilium efflet, illa post, retento fanguine, non parum increuit, ita, vt, incurfante febre, testiculus intumefceret, et dolor etiam, fatis acerbus, ad lumbos tenderet. Superimposita fuerunt illa cataplafmata, et in vulnus demiffum medicamentum, ad digerendum pusque concitandum opportunum. Eadem fecuta funt, quae fupra comprehendimus, et puris paulo amplius ex vulnere exiit, ortaue fuerunt alia tubercula, pus alentia, quibus apertis, purgatisque, fublatus fuit omnis metus, et cuncta ad fanitatem peruenerunt. Etiam huic viro, quem ex hac medendi ratione propter corporis habitum magis periclitatum effle, haud inficiamur, ab illo tempore in iis fedibus nullus ex confluyente humore renatus fuit tumor.

§. XXIII.

Nunc vero ex his apparere poteft, hos aegros curatos fuiffe cataplafmatum calefacientium vfu, quo in illis fedibus,

in quibus aquarum fontes fuerunt, mota fuit inflammatio, ad suppurationem spectans. Pure autem moto, digestum fuit mollitum atque purgatum omne, quod vitiatum erat, et occalluerat. Componenda autem sunt haec cataplasmata ex mollientibus herbis, adiectis tamen paucioribus aliis, amaris, quae resoluentibus adnumerari consueuerunt. Ita debent ex aqua coqui, ut sint minime humida, sed fere sicca, haud vero adusta; etiam debent ita temperari, ut, non tam manui, quam oculo, imposita, sint iucunda. Tanto magis vero tuta sunt haec cataplasmata, si iis pus moueri potest, quod illa aduersus vehementem in his sedibus inflammationem pulcherrima, et fere vnica, auxilia sunt, quibus solis, si ex aliis occasionibus scrotum, testiculi, horumque velamenta, inflammantur, uti solemus. Etiam, si ab iis aliquid metuendum foret, illa protinus possent auferri. Dum autores, qui de hydroceles curatione scripserunt, lego, inuenio, HIERONYMUM MARINI ^θ), Professore Romanum, fere iam eandem medendi viam ingressum esse. Is enim iubet in plagam, scalpello factam, turundam demittere, ex cereo, vnguento de althea, circumlito, et emplastris emollientibus tumorem, ut loquitur, digerere ^ι). Sed, cum non omnis cutis emplastrorum patiens sit, et cum cataplasmata etiam, modo recte fuerint parata, inflammatis amiciora sint, haec illis praeferenda nobis videntur.

§. XXIV.

Est vero curanti necessarium, nosse illorum periculorum, quae in his curationibus circumstant, causas, a quibus, si euidentes sunt, omne consilium, medendique ratio, petenda est. Quod igitur ad inflammationem attinet, id neminem ignorare arbitra-

^θ) in *Pratica delle principali Operazioni di Chirurgia, in Roma, MDCCXXIII. Cap. XIV. p. 230.*

^ι) Vid. de hoc HEISTERVS c. I. §. XLV.

arbitramur, huius aliquem modum esse in omni vulnere. Est vero illa vehementior, si quae pars nervosa, qualis albuginea testiculi tunica est, laesa fuit. Id, cum nemini obscurum sit, hoc tamen forte nonnullos latere potest, cur, incisa vaginali tunica, testiculus adeo intumescere, atque inflammari, soleat. At enim hic animaduertendum est, quod supra exposuimus, illam supremam tunicam vaginalem a contextu celluloso, quem extrinsecus peritoneum habet, oriri, et spermatica vasa, quae per musculi obliqui ostium ad testiculum feruntur, huic innexa esse. Nam hoc velamentum, si inflammationem accepit, multum inflari solet, ita, ut tumor ad illud musculi ostium usque ascendat. Hoc autem, quod ex tendine durum est, ac renitens, inflatam tumentemque tunicam premit, atque etiam ideo illa vasa vrget. Pressis vero venis, partes, membraque, a quibus illae procedunt, intumescere, ex iis, quae supra retulimus, intelligitur. Quare etiam, pure in plaga orto, atque se per illud remittente inflammatione, omnis, tum velamenti, tum testiculi, tumor breui minuitur, atque tandem prorsus dissipatur. Igitur etiam, in his casibus, a celerius excitata suppuratione omnis salus speranda est, id quod optime, cataplasmatibus impositis, obtinetur.

§. XXV.

Alterum periculum, quod ex sanguinis profusione in his curationibus oriri potest, singularem animadversionem desiderat. Hoc vero non omnibus, qui sic curantur, sed illis potissimum, imminere videtur, quibus scrotum valde intumuit, et ubi vitio vetustas accessit. Prae caeteris etiam obnoxia huic periculo esse videntur corpora fluxa atque resoluta, praecipue, quibus, propter pulmonum, aliorumque viscerum, infirmitatem, sanguis non recte confectus est, sed nimium tenuis, et qui dilutior sine mora per vasa ruit. Ad ve-

ram autem, proximam, morbumque continentem, causam attendenti manifestum est, sanguinem ruere, propter summam vasorum imbecillitatem. Vasa enim, arteriae atque venae, in eiusmodi tumoribus multum distenduntur, amplianturque, ita, ut fibris, ex quibus haec receptacula composita sunt, tandem omnis vis destituatur. Relaxata igitur resolutaque vasa, quamvis exinanita, se contrahere nequeunt, et, ob id, omne humidum transmittunt *). Vasorum enim imbecillitatem veram huius profusionis causam esse, ex modo apparet, atque tempore, quo illa sanguinem fundunt. Omnes enim norunt, ex aliis, scalpello, vel quovis telo acuto, illatis, vulneribus, nisi maiores arteriae praecisae fuerint, mox, post ictum illatum, sanguinem cum impetu ruere, colore rubicundum, sincerum, crassumque. Impetus vero, ubi sanguis per aliquod tempus fluxit, se remittit, et exit ex vulnere longe minor eius modus, qui iam dilutus est, rarus, pallidus, ac fere subalbidus, tandemque intercisae arteriae, venaque, in se ipsae coeunt, quarum orae a sanguine per aëra coacto praecluduntur, ita, ut omnis sanguinis cursus per se finiatur. In his vero casibus, ubi vasa resoluta sunt, ex vulnere recenti sanguis fertur, ab initio non ita multus, breui etiam is conquiescit, sed vero, dum, incurfante auctaque febre, sanguis concitatur, et arteriae celeriores sentiuntur, exit humor copiosus, tenuis, subalbidus, colore fero sublimis, quo linamenta, vulnere imposita, madent. At vero, non tantum huius humoris profluvium indies augetur, ut, pro modo vulneris, eius maior vis exeat, sed etiam color mutatur, ita, ut humor sanguinolentus fiat, tandemque, nisi supprimatur, sanguis sincerus, rubicundus, atque etiam copiosus, cum impetu ruat, cuius profusio

timorem

*) Arterias praecisas se contrahere, et ad supprimendum sanguinem, ex vulnere ruentem, plurimum conferre, ostendit, et doctrina, et arte clarus inter Gallos Chirurgus, SALVATOR MORANDVS in *Comm. Acad. Reg. Sc. MDCCXXXVI. p. 440.*

timorem facere potest, ne corpus exinaniat, atque hominem perdat. Haec Praesidem experientia in ipsis curationibus docuit, qui tamen haud inficiatur, plurimum conferre alia quaedam, veluti, si aeger, qualem descripsimus, intemperantius cibo, vino, aliove potionis valentioris genere, usus sit, quietem neglexerit, neque contentionem fatigationemque animi vitauerit.

§. XXVI.

Ab his vero euidentibus causis etiam medendi via trahenda est. Nam, cum aduersus omnem sanguinis profusionem optimum tutissimumque auxilium sit in modica vulneris, vasorumque praecisorum, compressione λ), haec tanto magis necessaria est, ubi, id quod ex iam dictis intelligi potest, vasa, quae sanguinem fundunt, relaxata, ampliataque, sunt. Nam omnia medicamenta, quae ad sanguinem suppressum apta dicuntur, vel parum ad id valent, vel, dum iis materia nimis valenter retinetur, dolorque concitatur, magnam inflammationem mouent, his partibus admodum periculosam μ). Quare his vulneribus, laxatisque vasis, optime prospicitur, si linamenta non tam leniter imponuntur, quam super vulnus aliquantum fulta, superimpositis etiam pannis, adstringuntur, id quod fieri potest, si illa, quam supra descripsimus, fascia, cui suspensorii nomen est, paulo arctius circumdatur. Haec vero res prudentiam moderationemque desiderat. Nam, dum vulnus paulo magis premitur, videndum est, ne id nimium fiat, et ne vrgeantur, et vasa spermatica, et testiculus, cum

G 2

ex

λ) Hanc rem singulari diligentia executus est IOHANNES LVDOVICVS PETITVS, *Chirurgus, in Comm. Acad. Reg. Sc. Anno MDCCXXXI, p. 122. MDCCXXXII. p. 535. MDCCXXXV. p. 591.*

μ) Omnis generis medicamenta, aliaque auxilia, quae aduersus sanguinis profusionem valere dicuntur, commentatione singulari comprehendit FRANCISCVS PETITVS, *Medicus, in Comm. Acad. Reg. Sc. Anno MDCCXXXII. p. 42.*

ex horum offensione, et si in oris plagae materia retineatur, atque puri nullus exitus detur, inflammatio multum increseat. Quamvis illud usu nondum compertum sit, non penitus alienum videtur illud CELSI consilium, qui scrotum spongia, acri aceto madente, circumdari iubet v), id quod tamen in corporibus infirmis, et, ubi haec sanguinis profusio ex resolutis vasis timetur, protinus, post illatam plagam, fieri oportet. Si quis desiderat, quae de hac sanguinis profusione ab aliis fuerunt animaduersa, is legat, quae Chirurgus Scotus, IACOBVS IAMESON §) proposuit, et, quae de his omnibus commentatus est Praestantissimus et eminentioribus artis Professoribus adnumerandus Vir ALEXANDER MONRO o). Aeger vero, his periculis, quae ex sanguinis profusione, atque etiam ex inflammatione, imminet, liberatus, salutem sperare potest, totiusque morbi finem.

v) *Lib. VII. Cap. XIX.*

§) *in the Medical Essays Vol. II. Obs. XIV. p. 252.*

o) *c. l. Vol. V. p. 316.*

